

歷代文讀本第四種

上冊



評註
南北朝文讀本

上海大東書局出版

編輯歷代文讀本之緣起

自學校分科並授。學子囿於時。限於力。不獲殫精於國文一科。遂有語體文之倡導。用力省而呈功多。法至善也。雖然。潺湲之水。湧自泉源。條鬣之校。發從巨榦。語體文之善者。仍由文。言文而出。其粗通者。亦必以文言文爲歸宿。方能窺見我國文學之盛況。及文體變遷之大概。又況往哲格言。歷代史事。諸家學說之探討。尤非博聞洽見。借徑於所謂古文者。不爲功。而世之訾爲難學者。則以其措詞。或奧。命意。或晦。運典。或僻。使事。或博。用字。或奇。之故。苟去此數者。則文從而字順。理明而詞達。學之事半。而功可倍。何難之有此。不獨指近代文。言也。由清而上。溯宋元明。而唐。而南北朝。而漢魏。而周秦。雖體製不同。代有升降。而操選政者。果精於抉擇。要皆可懸一的。以求其合。此不

佞。所。以。有。歷。代。文。讀。本。之。選。也。共。分。六。集。每。集。多。至。八。十。餘。篇。少。亦。四。五。十。篇。咸。求。適。合。中。等。學。校。之。程。度。不。事。好。高。鶩。遠。至。其。評。註。之。詳。且。確。有。不。待。講。解。而。裨。於。自。修。者。而。我。國。文。學。之。盛。況。及。文。體。變。遷。之。大。概。亦。於。是。乎。得。窺。一。斑。焉。烏。虛。風。雨。飄。搖。斯。文。將。墜。識。塗。馬。在。敢。効。馳。驅。則。是。編。之。輯。當。亦。莘。莘。學。子。所。懽。迎。也。乎。

姓氏爵里誌略

傅

玄

(晉)字休奕，靈州人。博學善屬文，解音律。歷官，領典農校尉。又封鷄觚男。武帝受禪，累遷司隸校尉。卒，諡剛。著有校

子傳

阮

籍

(晉)字嗣宗，陳留尉氏人。有濟世志，因屬晉之際，天下多故，遂酣飲為常。有詠懷詩，為世所重。

摯

虞

(晉)字仲洽，長安人。才學通博。武帝詔會東堂策問，擢太子舍人。及洛京荒亂，以餒卒。著有三輔決錄注、文志、文

章流別等

劉

伶

(晉)字伯倫，沛國人。放情肆志，不妄交游。泰始初，為建威參軍，以壽終。

李

密

(晉)字令伯，武陽人。事母，祖以孝謹聞。武帝時，徵為洗馬。及遷漢中，太守，自以失分，懷怨，免官。卒。

張

華

(晉)字茂先，方城人。學業優博。武帝時，以贊成伐吳功，封廣武侯。惠帝即位，拜太子少傅。有博物志。

潘

岳

(晉)字安仁，中牟人。少以才穎見稱鄉里。號為奇童。累遷給事黃門侍郎。有潘黃門集。

孫楚(晉)字子荆，中都人，才藻卓絕，爽邁不羣，惠帝初，為馮翊太守。

石崇(晉)字季倫，南皮人，累官荊州刺史，與潘岳諂事，賈謐號二十四友，後為趙王倫所害。

夏侯湛(晉)字孝若，沛國譙人，善構新詞，官為散騎常侍，元康初卒，著論三十餘篇，別成一家言。

傅咸(晉)字長虞，靈州人，剛節有大志，好文，惠帝時，官至御史中丞，卒，諡貞，好屬

劉琨(晉)字越石，魏昌人，惠帝時，共破東平王楙，以功封廣武侯，琨忠於晉室，素有重望，段匹磾忌之，為所害，諡愍，武

陸機(晉)字士衡，吳郡人，文章冠世，大安初，官至河北大都督，為孟玖等所譖，遂遇害，有平原集。

王羲之(晉)字逸少，會稽人，仕為右軍將軍，會稽內史，善草隸，為古今冠，其最為蘭亭序，樂毅論，卒年五十，有九隸。

孫綽(晉)字興公，太原中，都人，博學善屬文，官至廷尉卿，領著作，卒，官。

殷仲文(晉)陳郡人，有才藻，官至尚書，後遷為東陽太守，善屬文，為世所重，有集。

陶潛(晉)字淵明，郡陽人，所著文章，皆題其年號，元嘉四年卒，世號靖節先生，有陶集十卷。

宋武帝 姓劉名裕字德興彭城人篡晉而自立國號曰宋在位凡三年

謝惠連 元嘉十年卒有謝法曹集屬文

顏延之 與謝靈運齊名江右稱潘陸江左稱顏謝有集

鮑照 鮑謝仕宋為臨海王參軍有鮑參軍集

高允 官至中書令卒年九十有八諡文

劉書 還舉秀才不第天統中卒於家

王融 詩序文藻富麗稱於當世後坐事死於獄有文集

孔稚珪 為記室參軍永元元年為都官尚書

謝朓 言詩建武中為尚書吏部郎有謝宣城集

沈約 侯射遷尚書令卒諡隱有晉書宋書齊紀梁武紀

及謚例、宋文章志、文集百卷

邱

遲

作數十人、遲文最美、出為永嘉太守、不稱職、後遷司空

從事中郎

江

淹

郡二千石、大縣官長、著有江文通集

梁簡文帝

為晉安王、幽於永福省、尋遣王偉等弑之、在位凡二年

年

吳

均

氣著、有文集二十卷、鄴人、文體清拔、有古

梁元帝

顯錄、古今同姓、名錄、武帝第七子也、著有忠

王

褒

僕射、褒與庾信以才能屬文、梁元帝時、特加親待、官終宜

州刺史、有集

庾信(北周)字子山，新野人，與徐陵爲梁抄撰學士，文並綺麗，世號徐庾體。元帝時爲右衛將軍，後周時拜洛州刺史。

有庾開府文集十卷。

文宣帝(北齊)姓高，名洋，字子進，魏武定中累封齊王，尋廢。孝靜帝而自立，在位十年崩。諡文宣。

沈炯(陳)字禮明，武康人，仕梁爲吳令，元帝時領尚書左丞，武帝受禪，官散騎常侍，後以疾卒。吳中諡恭，有集。

徐陵(陳)字孝穆，東海鄒人，仕梁及陳，官散騎常侍，卒。諡章，著有徐孝穆集六卷，玉臺新詠十集。

周弘讓(陳)安成人，性簡素，博學多通，晚仕侯景，天嘉初以白衣領太常卿。

陳後主姓陳，名叔寶，字元秀，宣帝之子，在位七年，爲隋所滅。

陳暄(陳)義興國山人，文才俊逸，後主使作賦，日發擘死，成而傲弄，轉甚，後主不能容，加之刑，經數日發擘死。

顏之推(隋)字介，臨沂人，博學多才，仕齊，齊亡入周，大象末爲御史上士，開皇中召爲文學，深見禮重，有文集三十卷，家

訓二十卷，行世。

牛

弘

(隋)字里從幸仁、鶉都卒、諡憲、史稱、大雅君子、有文、封奇章

編輯大意

本編由唐文而上溯自西晉訖隋初共選六十餘篇蓋南北朝文格西晉爲之嚆引隋爲其尾聲故可合爲一集而定名爲南北朝文讀本

本編雖駢散並選而駢多於散蓋文章趨尙關乎時運六朝文體務爲比對精工聲情兼茂唐初猶襲遺響學駢文者大率宗此故本編繼唐文而列爲第四集

駢文使典多於散文數倍故本編雖爲中學以上讀本而註釋較前三集有增無減惟年代愈遠徵實愈難間有掎摭未及之處謹守不知蓋闕之義本編分類與前三集互有出入如詔令辭賦等體雖不宜於今但此種文字最爲六朝人所擅場必須選入書牘一類風神秀逸尤爲妙品且應用亦廣

故所選獨多於他類。

本編所選駢文。以清雅爲主。以思深旨遠爲宗。其過事豐縟。或涉於纖巧姚冶者。不錄。

本編既合南北朝而附以晉隋。則朝代尤爲複雜。故仿第二集編制。於姓名上加一朝號。俾於作者時代先後。一目了然。

註評

南北朝文讀本目次

論辨

管幼安論

傅玄

惜時論

劉晔

辯聖論

沈約

鄭衆論

梁元帝

家訓論文章

顏之推

序跋

閒居賦序

潘岳

思歸引序

石崇

蘭亭集序

王羲之

徵士頌序

高允

懷舊志序

梁元帝

玉臺新詠序

徐陵

奏議

師服義 摯虞

陳情表 李密

禁奢上書 傅咸

解尚書表 殷仲文

求自試啓 王融

修竹彈甘蕉文 沈約

經通天臺奏漢武帝表 沈炯

樂定奏 牛弘

書牘

奏記詣蔣公 阮籍

遺石勒書 劉琨

答盧諶書 劉琨

與趙王倫薦戴淵疏 陸機

與史部郎謝萬書 王羲之

與子儼等疏 陶潛

北山移文 孔稚珪

辭隨王子隆牋 謝朓

與徐勉書 沈約

與陳伯之書 邱遲

與交友論隱書 江淹

與劉孝綽書 梁簡文帝

與蕭臨川書 梁簡文帝

與宋元思書 吳均

與周弘讓書 王褒

爲梁上黃侯世子與婦書 庾信

謝趙王賚絲布啓 庾信

謝趙王賚米啓 庾信

謝明皇帝賜絲布等啓 庾信

復王少保書 周弘讓

與詹事江總書 陳後主

與兄子秀書 陳暄

詔令

與臧燾敕 宋武帝

爲武帝與謝朓敕 沈約

永嘉郡教 邱遲

禁浮華詔 北齊文宣帝

傳狀

從祖叔權幼權序 夏侯湛

五柳先生傳 陶潛

袁友人傳 江淹

碑誌

故太傅羊祜碑 孫楚

雜記

桃花源記 陶潛

箴銘

女史箴 張華

飛白書勢銘 鮑照

行雨山銘 庾信

望美人山銘 庾信

頌贊

酒德頌 劉伶

聘士徐君墓頌 孫綽

辭賦

歸去來辭 有序 陶潛

蕪城賦 鮑照

恨賦 江淹

枯樹賦 庾信

小園賦 庾信

哀祭

哀永逝文 潘岳

祭墓文 王羲之

祭程氏妹文 陶潛

祭古冢文 謝惠連

祭屈原文 顏延之

註評
南北朝文讀本 上册

論辨

管幼安論

管寧，字幼安，三國魏朱虛人，與平原華歆同縣，原相友，遊學異國，並敬善陳寔，黃巾之亂，至遼東，往見太守公孫度，語唯經典，不及世

事，遠乃因山爲廬，鑿坏爲室，越海避難者，皆來就之，旬月而成邑，遂講詩書，陳俎豆，飾威儀，明禮讓，非學者無由見，由是度安其賢，民化其德，黃初中徵爲大中

大夫，明帝時以爲光祿勳，並辭不受，正始初卒。

晉傳 玄

處亂世能
改正禮制
是亦不可
及處故首
論及之
文多不載
句省筆
敬管之言
行處根上
居字伏下

管以衰亂之時。世多妄變。世族者。違聖人之制。非禮命姓之意。故著^二氏姓論。以原本世系。文多不載。每所居姻親。知舊鄰里。有困窮者。家儲雖不盈。擔石必分。以贍救之。與人子言教。以孝與人弟。言教以弟言。及人臣。誨以忠。貌甚恭。言甚順。觀其行。邈然若不可及^四。即之熙熙。然甚柔而溫。因其事而導之。於善是以漸之者。無不化^七。

化字

醇德之稱

總結上文

焉。管之亡天下。知與不知。聞之無不嗟嘆。醇德之所感若此。不亦至乎。

音註 ①【命姓】〔左傳隱八年〕天子建德，因生以賜姓，胙之土而命之氏，②【氏姓】

〔按〕三代以前，氏姓別爲二，男子稱氏，婦人稱姓，氏所以別貴賤，姓所以別婚姻，後世合而爲一，③【擔石】同儋石，古量法，十斗爲石，再石爲儋，見〔漢書〕④【邈】遠也，⑤【熙熙】和也，⑥【因事而導之善】〔皇甫謐高士傳〕寧所居屯落，會井汲者或男女雜錯，或爭井鬪鬪，寧患之，乃多買器，分置井傍，汲以待之，又不使知，來者得而怪之，問知寧所爲，乃各相責，不復鬪訟，鄰有牛暴寧田者，寧爲牽牛蒼涼處，自爲飲食，過於牛主，牛主得牛大慙，若犯嚴刑，是以左右無鬪訟之聲，禮讓移於海表，⑦【漸】音尖，染也，〔漢書〕漸民以仁，

惜時論

北魏 劉 晝

夫停燈於缸。先燄非後燄。而明者不能見。藏山於澤。今形非昨形。

物態變遷
瞬息不同

惟不易見
到故不覺
可惜翻論
極有理

中段引古
聖賢之惜
時以鞭策
今人佳在
不落常調

物猶如此
人何以堪
讀之但覺
情意哀婉

而智者不能知。夫天迴日轉。其謝如矢。騷襲迅足。弗能追也。人之
短生。猶如石火。炯然以過。惟立德貽愛。爲不朽也。昔之君子。欲行
仁義於天下。則與時競馳。不吝盈尺之璧。而珍分寸之陰。故大禹
之趨時。冠掛而不顧。南榮之訪道。踵跣而不休。仲尼栖栖。突不暇
黔。墨翟遑遑。席不及煖。皆行其德義。拯世救溺。立功垂模。延芳百
世。今人進不知臭腐榮華。剗絕嗜慾。被麗絃歌。取媚泉石。退不能
披策樹勳。毗贊明時。空蝗梁黍。枉沒歲華。生爲無聞之人。歿成一
棺之土。亦何殊草木自生自死者哉。歲之秋也。涼風鳴條。清露變
葉。則寒蟬抱樹而長叫。吟烈悲酸。瑟於落日之際。何也。哀其時命
迫於嚴霜。而寄悲於苑柳。今日向西峯。道業未就。鬱聲於窮岫之

者。哉。陰無聞於休明之世已矣。夫亦奚能不霑衿於將來。染意於松煙。

音註 ①【停燈於缸】（按）缸當作缸，猶言燃燭於燈也。②【藏山於澤】（莊子）藏山

於澤，可謂固矣，而夜半有力者，負之而走。③【謝】衰退也，〔淮南子〕若春秋有代謝，

④【騷夏】音杳鳥，古良馬名，〔淮南子〕待騷夏飛兔而駕之，〔瑞應圖〕金喙赤身，日

行萬八千里，⑤【石火】擊石所發之火，旋燃旋滅也。⑥【炯】火明貌。⑦【立德】

〔左傳襄二十四年〕穆叔曰，豹聞之，太上有立德，其次有立功，其次有立言，雖久不廢，

此之謂不朽。⑧【貽愛】〔左傳昭二十一年〕子產卒，仲尼聞之，出涕曰，古之遺愛也，

（按）貽遺二字通。⑨【大禹二句】〔帝王世紀〕禹繼鯀治水，乃勞身涉勤，不重徑尺之

璧，而愛日之寸陰，〔鹽鐵論〕禹處洪水，身親其勞，澤行路宿，過門不入，當此之時，簪

墮不撥，冠挂不顧。⑩【南榮二句】〔淮南子〕南榮躄恥聖道之獨亡於己身，淬霜露，敝

躄跌，跋涉山川，冒蒙荆棘，百舍重趼，不敢休息，南見老聃，受教一言，精神曉洽，鈍聞

條達，欣然七日不食，如嬰太宰，（按）南榮躄魯人，莊子作南榮越，庚桑楚弟子，躄音堅，

久行傷足也，㊶【栖栖】急迫之貌，〔論語〕丘何爲是栖栖者與，㊷【突不暇黔】突，竈突也，黔，黑也，〔淮南子〕孔子無黔突，㊸【遑遑】心不定貌，〔後漢書蘇竟傳〕仲尼棲棲，墨子遑遑，愛人之甚也，㊹【席不及煖】〔淮南子〕墨子無煖席，㊺【臭腐榮華】言視榮華如臭腐也，㊻【刻】音鑿，削也，平也，㊼【被麗】猶言被服，〔漢書〕被服儒術，㊽【披策】猶建策也，㊾【毗贊】毗，音琵琶，輔也，〔西京雜記〕其有德任毗贊，佐理陰陽者，處欽賢之館，㊿【空蝗梁黍】言人飽食，無所用心，如蝗之害梁黍也，㊶【鳴條】條，枝也，〔董仲舒雨雹對〕太平之世，則風不鳴條，㊷【烈悲酸瑟】悲哀之意，㊸【苑柳】〔詩小雅〕有苑者柳，〔苑〕茂盛貌，㊹【日向西峯】猶言日薄西山，喻人之垂暮也，㊺【窮岫】〔左思魏都賦〕窮岫泄雲，日月恆翳，㊻【休明】休，美也，〔左傳宣三年〕德之休明，雖小重也，㊼【霑衿】〔家語〕反袂拭面，涕泣沾衿，〔霑同沾，溼也，㊽【松煙】墨也，〔曹植詩〕墨出青松煙，

辯聖論

梁沈約

聖人蓋人中之含明德盡照，精粹凝玄者。或三聖並時，或千載寂

三聖伏下
文武周公

孔子之後
不聞有聖
人出所謂
千載寂蔑
也
此言聖人
志在行道
此言惟聖
人能表彰
聖人
此言聖人
在當時不
易知合上
兩層意即
所以作論
之旨

蔑聖人之遺情忘已。常以兼濟爲念。若不登九五之位。則其道不行。非以黃屋玉璽爲尊貴也。文王造周而未集。武王集之而未成。周公雖無王錄。而父兄二聖之烈。不可以不終。若非表以聖功。制禮作樂。則太平之基不著。二聖之美不彰。孔子當無錄之運。值自晦之時。而云河不出圖。洛不出書。吾已也。夫欲以聖德示天下。垂來世。當仲尼在世之時。世人不。言。爲。聖。人。也。伐。樹。削。迹。干。七。十。君。而。不。一。值。或。以。爲。東。家。丘。或。以。爲。喪。家。犬。若。不。高。歎。鳳。鳥。稱。夢。周。公。樂。正。雅。頌。各。得。其。所。則。當。世。安。知。其。聖。人。乎。

音註 ①【三聖】周文王昌、武王發、周公旦、②【寂蔑】寂然無聞也、③【九五】〔易乾

卦〕九五、飛龍在天、利見大人、〔按〕乾卦九五、爲人君之象、故以稱君位、④【黃屋】天子車以黃纒爲裏、曰黃屋車、〔史記〕於是紀信乘黃屋車、⑤【玉璽】天子之印、秦始皇

皇得楚和氏璧，製玉璽，李斯書其文曰：受命於天，既壽永昌，後子嬰獻於漢高帝，謂之傳國璽。⑤【文王造周二句】三分天下有其二，此文王之造周也，一戎衣而有天下，此武王之集王業也，然制禮作樂，尙有待於周公之繼述，故曰未成。⑥【河不出圖三句】〔論語〕子曰：鳳鳥不至，河不出圖，吾已矣夫。（按）伏羲氏之王天下也，龍馬負圖出於河，夏禹治水，理龜負文列於背，河圖洛書，皆聖王之瑞。⑦【伐樹削迹】〔史記孔子世家〕孔子適宋，與弟子習禮大樹下，宋司馬桓魋欲殺孔子，拔其樹，孔子去，〔莊子〕夫子再逐於魯，削迹於衛，伐樹於宋，窮於商周，圍於陳蔡。⑧【東家丘】〔家語〕孔子西家有愚夫，不知孔子爲聖人，乃曰彼東家丘。⑨【喪家犬】〔孔子世家〕孔子適鄭，獨立郭東門，鄭人或謂子貢曰：東門有人，其頰似堯，其項類皋陶，其肩類子產，然自要以以下不及禹三寸，纍纍若喪家之狗，子貢以告，孔子欣然笑曰：形狀末也，而謂喪家之狗，然哉。⑩【高歎鳳鳥】見上。⑪【稱夢周公】〔論語〕子曰：甚矣吾衰也，久矣吾不復夢見周公。⑫【樂正句】〔論語〕吾自衛反魯，然後樂正，雅頌各得其所。

鄭衆論

衆字仲師，後漢開封人，年十二，從父興受左氏春秋，明三統曆，永平初，以明經爲給事中，八年，顯宗遣衆持節使匈奴，不拜，單于怒，欲脅服之。

衆拔刀自誓，
單于恐而止。

梁元 帝

引子卿事
天然陪客
風生四語
寫得濺至
有態賸此
光景焉得
不酸鼻痛
心

結語餘音
繞梁悠然
不盡

漢世銜命匈奴。困而不辱者。二人而已。子卿手持漢節。臥伏冰霜。
仲師固無下拜。隔絕水火。況復風生。稽落日隱。龍堆翰海。飛沙泉
蘭走雪。豈不酸鼻痛心。憶洛陽之宮陛。肩泣橫悲。想長安之城闕。
直以爲臣之道。義不爲生。事君之節。生爲義盡。豈望拔幽泉。出重
仞。經長樂。抵未央。及還望塞亭。來依候火。旁觀上郡。側眺雲中。雖
在己之願。自隆而於時之報。未盡。

音註 ①【銜命】奉君命而行曰銜命。〔禮檀弓〕銜君命而使。②【匈奴】北狄之一種。

秦漢時最盛。有今內外蒙古之地。後分爲南北二部。③【不辱】〔論語〕使於四方。不

辱君命。④【子卿二句】〔漢書〕蘇武。字子卿。杜陵人。天漢元年。以中郎將持節使匈

奴。單于欲降之。幽置大窖中。絕不飲食。天雨雪。武臥。齧雪與旃毛并咽之。⑤【仲師

二句】〔漢書〕鄭眾至北庭，虜欲令拜，衆不屈，圍守閉之，不與水火。⑤【稽落】山名，在漠北，〔後漢書〕竇憲拜車騎將軍，與北單于戰於稽落山，大破之。⑥【龍堆】古塞外地名，〔漢書匈奴傳〕揚雄上書諫曰，往者圖西域，制車師，置城郭都護三十六國，費歲以大萬計者，豈爲康居烏孫能踰白龍堆而寇西邊哉，迺以制匈奴也。⑦【翰海】沙漠也，亦稱戈壁，〔史記匈奴傳〕驃騎將軍霍去病與左賢王接戰，左賢王遁走，驃騎封於狼居胥山，禪姑衍，臨翰海而還。⑧【崑崙】山名，即石門山，在今甘肅導河縣西南，〔漢書〕霍去病率戎士踰烏盩，討漱濮，過焉支山，千有餘里，合短兵鏖崑崙山下，殺折蘭王。⑨【酸鼻】〔宋玉高唐賦〕孤子寡婦，寒心酸鼻。⑩【洛陽】今河南洛陽縣，〔東觀漢紀〕建武元年十月，車駕入洛陽，遂定都焉。⑪【宮陛】陛，天子階也，〔鮑照從過舊宮詩〕宮陛留前制。⑫【屑泣】〔楚辭〕涕漸漸其如屑。⑬【長安】今陝西長安縣，〔漢書〕漢興，立都長安。⑭【城闕】城門上之樓觀，〔詩鄭風〕在城闕兮。⑮【長樂】宮名，在長安，本秦興樂宮，漢高帝治之，後爲太后所居，亦謂之東宮。⑯【未央】宮名，在長安西北十里，蕭何造，內有昭陽殿。⑰【塞亭二句】塞亭，塞外候亭也，〔漢書〕匈奴行攻塞外亭障，畧取吏民去，是時漢邊郡烽火望精明。⑱【上郡】郡名，

今陝西榆林道及內蒙古鄂爾多斯左翼之地，治膚施，在今陝西綏德縣，〔漢書地理志〕上郡，秦置，高帝因之，①〔雲中〕郡名，治雲中縣，即今綏遠托克托縣，秦時雲中郡，統陰山以南，漢分東北部置定襄郡，西南部仍爲雲中郡也，〔漢書〕魏尙守雲中，匈奴不敢近塞下，②〔於時之報未盡〕言漢所以賞衆者，尙失之薄云、

家訓論文章

隋顏之推

起湖文章
之原本極
醇正反領
起下二段

夫文章者。原出五經。詔命策檄。生於書者也。序述論議。生於易者也。歌詠賦頌。生於詩者也。祭祀哀誄。生於禮者也。書奏箴銘。生於春秋者也。朝廷憲章。軍旅誓誥。敷顯仁義。發明功德。牧民建國。施用多途。至於陶冶性靈。從容諷諫。入其滋味。亦樂事也。行有餘力。則可習之。然而自古文人。多陷輕薄。屈原露才揚己。顯暴君過。宋玉體貌容冶。見遇俳優。東方曼倩。滑稽不雅。司馬長卿。竊貲無操。

中段歷舉
文人之有
盛名而不
免過患者
傾囊倒篋
而出尤妙
在所施評
語銖兩悉
常無一過
火者

詞氣渾樸
躁釋矜平

王褒過章僮約。揚雄德敗美新。李陵降辱夷虜。劉歆反覆莽世。傅
毅黨附權門。班固盜竊父史。趙元叔抗竦過度。馮敬通浮華擯壓。
馬季長佞媚獲誚。蔡伯喈同惡受誅。吳質詆訶鄉里。曹植悖慢犯
法。杜篤乞假無厭。路粹隘狹已甚。陳琳實號麤疎。繁欽性無格檢。
劉楨屈強輸作。王粲率躁見嫌。孔融禰衡誕傲致殞。楊修丁廙扇
動取斃。阮籍無禮敗俗。嵇康凌物凶終。傅玄忿鬪免官。孫楚矜誇
凌上。陸機犯順履險。潘岳乾沒取危。顏延年負氣摧黜。謝靈運空
疏亂紀。王元長凶賊自貽。謝玄暉侮慢見及。凡此諸人。皆其魁秀
者。不能悉紀。大較如此。至於帝王。亦或未免。自昔天子而有才華
者。惟漢武。魏太祖。文帝。明帝。宋孝武帝。皆負世議。非懿德之君也。

末段揭明所以致敗之故足令古今文士發其猛省

自子游子夏荀況孟軻枚乘賈誼蘇武張衡左思之儔有盛名而免過患者時復聞之但其損敗居多耳每嘗思之原其所積文章之體標舉興會發引性靈使人矜伐故忽於持操果於進取今世文士此患彌切一事愜當一句清巧神厲九霄志凌千載自吟自賞不覺更有傍人加以砂礫所傷慘於矛戟諷刺之禍速乎風塵深宜防慮以保元吉

音註 ①【五經】易、書、詩、春秋、禮也。②【敷】布也、〔書大禹謨〕文命敷于四海、

③【屈原】名平、楚之同姓、為三閭大夫、以讒見放、作離騷以明志、自投汨羅而死、班固稱其露才揚己、競乎危國羣小之間、責數懷王、怨惡椒蘭、其人忿懣不容、自沈而死云

云、④【宋玉】楚大夫、作登徒子好色賦、自稱為人體貌閑麗、口多微辭、又作高唐神女

二賦、辭多姪佚、襄王以俳優待之、⑤【東方曼倩】東方朔、字曼倩、漢平原厭次人、武

時官至大中大夫給事中，時有諫言，而以談諧出之，漢書贊云，依隱玩世，詭時不逢，其滑稽之雄乎，（按）滑，亂也，稽，同也，辯捷之人，能亂是非異同也，⑤【司馬長卿】司馬相如字長卿，漢成都人，家貧，無以自業，素與臨邛令王吉相善，往舍都亭，臨邛富人卓王孫宴相如，酒酣，相如鼓琴，時卓王孫有女文君，新寡好音，相如以琴心挑之，文君夜奔相如，卓王孫不得已，分與文君僮百人，錢百萬，及其嫁時衣被財物，文君乃與相如歸成都，買田宅，爲富人，（揚雄解嘲）司馬長卿，竊費卓氏，⑥【王褒】字子淵，漢蜀人，以事到渝，止寡婦楊惠舍，惠有夫時奴名使子，子淵倩奴行酤酒，使子拽大杖上夫家嶺，曰，大夫買使子時，但要守家，不要爲他人男子酤酒，子淵大怒曰，奴寧欲買耶，惠曰，奴大忤人，人無欲者，子淵決買券云云，奴復曰，欲使皆上券，不上券，使子不能爲也，子淵爲作僮約，羅列百役，不得少息，奴讀券訖，曰，早知當爾，爲王大夫酤酒，真不敢作惡，⑦【揚雄】字子雲，漢成都人，好學，博極羣書，成帝時，爲郎給事黃門，王莽篡漢，雄爲大夫，作劇秦美新，論秦之劇，稱新之美，時論譏之，⑧【李陵】字少卿，漢隴西成紀人，善射騎，謙讓下士，天漢間，將步卒五千人，深入匈奴，矢盡而降，有別蘇武詩，及與蘇武書，⑨【劉歆】字子駿，向子，官至京兆尹，封紅休侯，建平元年，改名秀，字穎叔，王

莽篡位，歆爲國師，^①【傅毅】字武仲，後漢茂陵人，博學能文，車騎將軍馬防請毅爲軍司馬，馬氏敗，免官歸，及竇憲遷大將軍，復以毅爲司馬，^②【班固】字孟堅，彪之子，漢明帝時，典校祕書，續成父志，著漢書一百二十卷，惟八表及天文志未竟而卒，和帝詔其妹昭踵成之，（按）固盜竊父史，劉勰劉知幾並有此說，然固漢書韋賢翟方進元后三傳，俱稱司徒掾班彪曰云云，是竊父之謗不實矣，^③【趙元叔】趙壹，字元叔，後漢漢陽西縣人，恃才倨傲，不爲鄉里所容，作窮鳥賦以自遣，司徒袁逢受計，計吏皆拜伏廷下，壹獨長揖，既造河南尹羊陟，上堂大哭，陟奇之，曰：良璞不剖，必有泣血以相明者矣，乃與袁逢共薦之，^④【馮敬通】馮衍，字敬通，後漢杜陵人，幼有奇才大志，不成戚於貧賤，嘗作顯志賦以自勵，光武時，爲曲陽令，有功當賞，以讜不行，尋遷司隸從事，又以附陰就被廢，^⑤【馬季長】馬融，字季長，後漢茂陵人，美辭貌，有俊才，博通經籍，愆於鄧氏，不敢違忤勢家，遂爲梁冀草奏李固，又作大將軍西第頌，頗爲正直所羞，^⑥【蔡伯喈】蔡邕，字伯喈，後漢陳留圉人，董卓辟之，署祭酒，三日，周歷三臺，後以卓黨，王允收付廷尉，邕乞成漢史，不許，遂死獄中，^⑦【吳質】字季重，三國濟陰人，以文才爲文帝所善，官至振威將軍，假節都督河北諸軍事，封列侯，（魏志王粲傳註）質先以怙威肆行，

諡曰醜侯，質子應上書論枉，至正元中，乃改諡威侯，（按）詆訶，毀責也，㊶【曹植】字子建，魏武帝次子，善屬文，嘗乘車行馳道中，開司馬門出，太祖大怒，公車令坐死，由是重譖侯科禁，而植籠日衰，㊷【杜篤】字季雅，後漢杜陵人，不修小節，與美陽令游，數從請託，不諧，頗相恨，令怨，收篤送京師，㊸【路粹】字文蔚，三國陳留人，少學於蔡邕，後爲軍謀祭酒，與陳琳阮瑀輩典記室，（魏志王粲傳註）韋仲將云，文蔚性頗忿鷙，㊹【陳琳】字孔璋，三國廣陵人，初爲何進主簿，後歸曹操，操愛其才，軍國書檄，多命琳屬稿，官至門下督，（魏志王粲傳註）韋仲將云，孔璋實自粗疎，㊺【繁欽】字休伯，三國潁川人，少以文章機辨，馳譽汝潁，既長，善爲詩賦，率皆巧麗，官丞相主簿，建安二十三年卒，（魏志王粲傳註）韋仲將云，休伯都無格檢，（按）謂不守法度也，繁，音婆，㊻【劉楨】字公幹，三國東平人，有逸才，善辭令，以文章見重於魏文帝，與王粲等號建安七子，辟爲丞相掾，（魏志王粲傳註）太子嘗請諸文學，酒酣，命夫人甄氏出拜，坐中衆人咸伏，而楨獨平視，太祖聞之，乃收楨，滅死，輸作，（按）屈強，即倔強，梗戾貌，輸作，犯罪者罰其輸力作苦也，㊼【王粲】字仲宣，三國高平人，貌短小寢陋，博物多識，問無不知，初依劉表，後仕魏，累官侍中，（魏志王粲傳）劉表以粲貌寢而體弱通佻，不甚重也，（註）通

悅者，簡易也（按），即率躁之謂，㊶【孔融】字文舉，後漢魯國人，爲北海相，立學校，表章儒術，獻帝時，爲大中大夫，曹操忌其才，害之，㊷【禰衡】字正平，後漢平原人，氣尚剛傲，矯時慢物，與孔融友善，融愛其才，數稱述於曹操，操召爲鼓吏，衡素善搥鼓，乃裸體以辱操，復以杖捶地大罵，操因劉表送衡於黃祖，祖性急，竟殺之，㊸【楊修】字德祖，後漢華陰人，好學有俊才，爲曹操主簿，操忌其才，殺之，㊹【丁廙】字敬禮，儀之弟也，少有才姿，博學洽聞，建安中爲黃門侍郎，文帝即位，誅之，（按廙，音弋，㊺【扇動取斃】〔魏志陳思王植傳註〕楊修與丁儀兄弟，皆欲以植爲嗣，〔又〕丁廙嘗謂太祖曰，臨騫侯天性仁孝，可永受無窮之祚也，欲以勸動太祖，其後皆以此取禍，㊻【阮籍】字嗣宗，晉陳留人，爲人曠達不羈，籍嫂歸寧，籍相見與別，或譏之，籍曰，禮豈爲吾設，鄰家有少婦，當壚沽酒，籍醉臥其側，其夫察之，亦不疑也，兵家女有才色，未嫁而死，籍不識其父兄，徑往哭之，盡哀而還，㊼【嵇康】字叔夜，其先本上虞人，以避怨徙錮之嵇山，因而名氏，有奇才，好老莊，與魏宗室婚，拜中散大夫，〔晉書嵇傳〕康與向秀共鍛大樹下，鍾會往造，康不禮，會憾之，因譖康於文帝，被害東市，㊽【傅玄】字休奕，晉北地泥陽人，少孤貧，博學善屬文，性剛亮，官至太僕，〔晉書傅玄傳〕玄進皇甫陶，及

入而抵玄，以事與陶爭，言諛譁，爲有司所奏，二人竟坐免官。⑤【孫楚】字子荆，晉太原中都人，才藻卓絕，參石苞驃騎軍事，自負才氣，長揖曰：天子命我參卿軍事，苞奏楚與孫世山訕毀朝政。⑥【陸機】字士衡，晉吳郡人，時中國多難，顧榮戴若思咸勸機還吳，機負才望，不從，感成都王穎全濟之恩，遂委身焉。⑦【潘岳】字安仁，晉滎陽中牟人，少以才穎稱，性輕躁，趨勢利，與石崇等諂事賈謐，每候其出，望塵而拜，其母數謂之曰：爾當知足，而乾沒不已乎？後孫秀誣岳奉淮南王允齊王問爲亂，誅之，夷三族。按乾沒，謂微幸取利也。⑧【顏延年】名延之，宋臨沂人，文章冠絕當時，性褻激，論者謂之顏彪。〔南史顏延之傳〕延之辭意激揚，每犯權要，劉謨義康以其五君詠辭旨不遜，大怒，欲黜爲遠郡。⑨【謝靈運】宋陽夏人，家於上虞，少好學，博覽羣書，官永嘉太守，襲爵康樂侯。〔南史謝靈運傳〕司徒遣使收靈運，靈運與兵叛逸，遂有逆志。⑩【王元長】王融，字元長，南齊臨沂人，博涉有文才，爲子良謀主，武帝病篤，子良在殿內，太孫未入，融欲矯詔立子良，詔草已立，上重蘇，俄崩，西昌侯鸞奉太孫登殿，扶出子良，收融下廷尉獄，賜死。⑪【謝玄暉】謝朓，字玄暉，南齊下邳人，文章清麗，善草隸，及五言詩，常輕江祏爲人，祏及弟祀劉渢劉宴俱候朓，朓曰：可謂帶二江之雙流，以嘲弄之，祏不

堪，構害之，下獄死，^㉑【翹秀】特出也，^㉒【大較】猶言大畧，^㉓【漢武】景帝子，名徹，^㉔【魏太祖】姓曹，名操，字孟德，譙人，^㉕【文帝】操子，名丕，字子桓，^㉖【明帝】文帝子，名叡，字元仲，^㉗【宋孝武帝】文帝子，名駿，字休龍，^㉘【皆負世議】皆有累德之行，爲清議所棄也，^㉙【懿德】醇美之德，〔詩周頌〕我求懿德，^㉚【子游】姓言，名偃，周末吳人，^㉛【子夏】姓卜，名商，周末衛人，^㉜【荀況】周末趙人，仕楚，爲蘭陵令，著書曰荀子，^㉝【孟軻】字子輿，周末鄒人，私淑仲尼，作孟子七篇，^㉞【枚乘】字叔，漢淮陰人，仕吳，上書諫吳王，不納，去之梁，梁孝王尊爲上客，善屬文，漢武徵之，道卒，^㉟【賈誼】漢雒陽人，文帝召爲博士，遷大中大夫，絳灌忌其才，間之，出爲長沙王太傅，復拜梁懷王太傅，著新書十卷，^㊱【蘇武】字子卿，漢杜陵人，有古詩四首，皆別離之作，^㊲【張衡】字平子，漢南鄉西鄂人，善屬文，通五經，作二京賦，構思十年乃成，^㊳【左思】字太冲，晉臨淄人，作三都賦成，競相傳寫，洛陽爲之紙貴，^㊴【元吉】〔易坤卦〕黃裳元吉，文在中也。

序跋

閒居賦序

〔文選注〕閒居賦者，此蓋取於禮篇不知世事，閒靜居坐之意也。

晉 潘 岳

拙字全篇
柱義御先
用巧字陪
出

自敘一生
所歷官階
爲拙者之
効句蓋勞
簡古可喜

岳嘗讀汲黯傳。至司馬安四至九卿。而良史書之。題以巧宦之目。
未嘗不慨然廢書而歎曰。嗟乎。巧誠有之。拙亦宜然。顧常以爲士
之生也。非至聖無軌。微妙玄通者。則必立功立事。効當年之用。是
以資忠履信以進德。修辭立誠以居業。僕少竊鄉曲之譽。忝司空
太尉之命。所奉之主。即太宰魯武公其人。也。舉秀才爲郎。逮事世
祖武皇帝。爲河陽懷令。尙書郎。廷尉平。今天子諒闇之際。領太傅
主簿。府主誅除名爲民。俄而復官。除長安令。遷博士。未召拜。親疾
輒去官免。自弱冠涉乎知命之年。八徙官。而一進階。再免。一除名。
一不拜職。遷者三而已矣。雖通塞有遇。抑亦拙者之効也。普通人
和長輿之論。余也。固謂拙於用多。稱多則吾豈敢言拙。信而有徵。

確是藏拙
之道惜乎
其言不由
衷也

方、今、俊、父、在、官、百、工、惟、時、拙、者、可、以、絕、意、乎、寵、榮、之、事、矣、太、夫、人、
在、堂、有、羸、老、之、疾、尙、何、能、違、膝、下、色、養、而、屑、屑、從、斗、筲、之、役、乎、於、
是、覽、止、足、之、分、庶、浮、雲、之、志、築、室、種、樹、逍、遙、自、得、池、沼、足、以、漁、釣、
春、稅、足、以、代、耕、灌、園、菑、蔬、以、供、朝、夕、之、膳、牧、羊、酤、酪、以、俟、伏、臘、之、
費、孝、乎、惟、孝、友、于、兄、弟、此、亦、拙、者、之、爲、政、也、乃、作、閒、居、賦、以、歌、事、
遂、情、焉、

音註 ①【汲黯傳】〔史記汲黯傳〕汲黯，字長孺，濮陽人也，黯姑姊子司馬安，少與黯爲

太子洗馬，安文深善巧宦，四至九卿，以河南太守卒，昆弟以安故，同時至二千石者十人

②【良史】〔班固司馬遷贊〕遷有良史之才，③【廢書】〔史記〕太史公曰，始齊之亂

通，讀樂毅報燕王書，未嘗不廢書而泣，④【至聖無軌】〔史記孔子世家贊〕可謂至

聖矣，〔易〕用無常道，事無軌度，⑤【微妙玄通】〔老子〕古之善爲士者，微妙玄通，深

不可識、^④【資忠履信二句】〔易繫辭〕履信思乎順、〔又乾卦〕君子進德修業、忠信所以進德也、修辭立誠、所以居業也、^⑤【鄉曲】猶鄉里、〔後漢書和帝紀〕科別賢能、必由鄉曲、^⑥【司空太尉】〔晉書賈充傳〕充字公闓、封魯公、爲司空、轉太尉、薨贈太宰、謚武公、^⑦【舉秀才爲郎】〔晉書本傳〕早辟司空太尉府、舉秀才、歷官著作郎、散騎侍郎、^⑧【遠事世祖武皇帝】逮、及也、〔晉書武帝紀〕帝諱炎、字安世、文帝長子、帝崩、上號世祖、^⑨【河陽懷令】〔本傳〕岳爲衆所疾、出爲河陽令、轉懷令、河陽、今河南孟縣西南、懷、今河南武陟縣西南、^⑩【尚書郎廷尉平】〔本傳〕岳頻宰二邑、勤於政績、調補尚書度支部、遷廷尉平、以公事免、〔按〕平、音病、〔漢書〕宣帝初置廷尉左右平、秩皆六百石、^⑪【今天子句】天子、指惠帝、諒闇、天子居喪之名、字亦作亮陰、〔書說命〕王宅憂、亮陰三祀、^⑫【領太傅主簿三句】〔本傳〕楊駿輔政、高選吏佐、引岳爲太傅主簿、駿誅除名、府主、指駿也、^⑬【除長安令】〔漢書音義〕凡言除者、除故官、就新官也、〔本傳〕初譙人公孫宏善鼓琴、岳爲河陽令、愛其才、厚待之、至是、宏爲楚王瑋長史、駿綱紀皆當從坐、同署主簿朱振已就戮、宏言之瑋、謂岳假吏、故得免、未幾、選爲長安令、^⑭【遷博士四句】〔本傳〕徵補博士、未召、以母疾去官免、尋爲著作郎、轉散騎

侍郎、㊸【弱冠】〔禮曲禮〕二十曰弱冠、㊹【知命】〔論語〕五十而知天命、㊺【八徙官】謂舉秀才、爲郎、河陽令、懷令、尚書郎、廷尉平、領太傅主簿、長安令、遷博士也、㊻【一進階】謂徙懷令爲尚書郎也、㊼【再免】謂任廷尉平、以公事免、遷博士、以去官免也、㊽【一除名】謂太傅主簿除名爲民也、㊾【一不拜職】謂遷博士未召拜、親疾輒去官也、㊿【遷者三】謂廷尉平領太傅主簿、及遷博士也、㊽【通塞】〔易節卦〕不出戶庭、知通塞也、㊾【和長輿】〔晉書〕和嶠、字長輿、汝南西平人、厚自崇重、有盛名於世、㊿【拙於用多】〔莊子〕莊子謂惠子曰、夫子固拙於用大、㊽【則吾豈敢】〔論語〕子曰、若聖與仁、則吾豈敢、㊾【信而有徵】〔左傳昭公八年〕叔向曰、君子之言、信而有徵、㊿【俊又在官二句】智過千人曰俊、有賢才曰又、〔書臯陶謨〕俊又在官、〔又〕百工惟時、〔注〕時、是也、㊽【太夫人】〔漢書〕列侯太夫人、如淳曰、列侯之妻、稱夫人、列侯死、子復爲列侯、乃得稱太夫人、㊾【羸老】羸、音雷、瘦也、〔左傳襄公十年〕苟瘝曰、余羸老也、可重任乎、㊿【膝下】〔孝經〕故親生之膝下、以養父母日嚴、㊽【色養】〔論語〕子夏問孝、子曰色難、㊾【屑屑】〔後漢書王良傳〕何其往來屑屑、不憚煩也、㊿【斗筭】筭、音梢、〔論語〕斗筭之人、何足算也、〔注〕筭、竹器、容斗

二升，〔後漢書〕郭林宗曰：大丈夫焉能久處斗筲之役乎？④〔止足〕〔老子〕知足不辱，知止不殆，⑤〔浮雲〕〔論語〕不義而富且貴，於我如浮雲，⑥〔逍遙自得〕〔莊子〕善卷曰：余日出而作，日入而息，逍遙乎天地之間，而心意自得，⑦〔春稅〕春，擣米也，稅，租也，⑧〔代耕〕〔禮王制〕夫祿足以代其耕，⑨〔灌園〕〔列女傳〕於陵子仲爲人灌園，⑩〔粥〕同鬻，賣也，⑪〔膳〕具食也，⑫〔酤酪〕酤，賣也，〔釋名〕酪，乳汁所作也，〔李陵答蘇武詩〕羶肉酪漿，⑬〔伏臘〕〔楊惲報孫會宗書〕田家作苦，歲時伏臘，⑭伏在夏，臘在冬，秦漢時令節，⑮〔孝乎二句〕〔論語〕或謂孔子曰：子奚不爲政，子曰：書云孝乎惟孝，友于兄弟，施于有政，是亦爲政，奚其爲爲政，⑯〔歌事〕〔韓詩序〕勞者歌其事，⑰〔遂〕從意也。

思歸引序

晉石崇

余少有大志。①一邁流俗。②二弱冠登朝。③三歷位二十五年。④四五十以事去官。⑤五晚節更樂放逸。⑥六篤好林藪。⑦七遂肥遯於河陽。⑧八別業其制宅也。⑨九卻阻長堤。⑩十前臨清渠。⑪十一柏木幾於萬株。⑫十二流水周於舍下。⑬十三有觀閣池沼。⑭十四多養鳥

以事去官
先伏歸字

文筆雅潔

點思歸揭
明所以作
歌之意
結有餘味

魚家素習技頗有秦趙之聲出則以游目弋釣爲事入則有琴書
之娛又好服食咽氣志在不朽傲然有凌雲之操歎復見牽羈婆
娑於九列困於人間煩黷常思歸而永歎尋覽樂篇有思歸引儻
古人之情有同於今故制此曲此曲有絃無歌今爲作歌辭以述
余懷恨時無知音者令造新聲而播於絲竹也。

音註

①【夸】音誇，大也，②【邁】過也，③【流俗】〔孟子〕同乎流俗，④【以事去

官】〔晉書石苞傳〕崇任俠，無行檢，在荊州，劫遠使商客，致富不貲，徵爲大司農，以徵
書未至，擅去官免，⑤【篤好】〔後漢書橋公祖傳〕非至親之篤好，何肯爲此辭哉，⑥

【林藪】藪，大澤也，〔後漢書儒林傳序〕先是四方學士，多懷挾圖書，逃遯林藪，⑦【肥

遯】〔易遯卦〕「肥遯無不利，」肥遯，高隱也，⑧【河陽別業】〔晉書石苞傳〕崇有別館

在河陽之金谷，一名梓澤，河陽，見前，⑨【卻】退也，⑩【清渠】〔張華詩〕散髮重陰

下，抱杖臨清渠，⑪【秦趙】〔楊惲報孫會宗書〕家本秦人，能爲秦聲，婦趙女也，雅善

鼓瑟、㊶【游目】〔楚詞〕忽反顧以游目、㊷【服食】〔古詩〕服食求神仙、㊸【傲】
 音稟、同傲、倨也、〔後漢書崔駰傳〕生而貴者傲、㊹【凌雲】〔史記司馬相如傳〕相
 如奏大人之賦、天子大說、飄飄然有凌雲之氣、㊺【歎】許鬱切、忽也、〔張衡西京賦〕
 神山崔巍、歎從背起、㊻【婆娑】往來蹠蹠貌、〔宋玉神女賦〕又婆娑乎人間、㊼【九
 列】九卿之位、〔漢書〕恤我九列、㊽【煩躓】躓、音獨、猶煩數也、〔王儉求解尚書
 表〕至敬無交、不敢煩躓、㊾【永歎】〔詩小雅〕況也永歎、㊿【思歸引】〔琴操〕思
 歸者、衛女之所作也、欲歸不得、心悲憂傷、援琴而歌、作思歸引、㊽【儻】或然之辭、

蘭亭集序

晉王羲之

先敘明時
 與地及所
 會之事
 此段正寫
 蘭亭盛會
 以巒字煞
 住領起下
 文

永和九年。歲在癸丑。暮春之初。會於會稽山陰之蘭亭。修禊事也。
 羣賢畢至。少長咸集。此地有崇山峻嶺。茂林修竹。又有清流激湍。
 引以爲流觴曲水。列坐其次。雖無絲竹管弦之盛。一觴一詠。亦足
 以暢敘幽情。是日也。天朗氣清。惠風和暢。仰觀宇宙之大。俯察品

欣字快字 承上樂字 反跌下悲 此段極寫 人事變遷 哀樂無常 有無窮感 末段借古 證今因知 後人亦有 借今為證 者此序之 所由作也 結句應上 臨文嗟悼

類之盛。所以游目騁懷。足以極視聽之娛。信可樂也。夫人之相與。俯仰一世。或取諸懷抱。晤言一室之內。或因寄所託。放浪形骸之外。雖趨舍萬殊。靜躁不同。當其欣於所遇。暫得於己。快然自足。曾不知老之將至。及其所之既倦。情隨事遷。感慨係之矣。向之所欣。俛仰之間。已為陳迹。猶不能不以之興懷。况修短隨化。終期于盡。古人云。死生亦大矣。豈不痛哉。每覽昔人興感之由。若合一契。未嘗不臨文嗟悼。不能喻之于懷。因知一死生為虛誕。齊彭殤為妄作。後之視今。亦猶今之視昔。悲夫。故列敘時人。錄其所述。雖世殊事異。所以興懷。其致一也。後之覽者。亦將有感於斯文。

音註 ①【永和】晉穆帝年號。②【會稽山】會、音檜。即古防山。又曰棟山。在今浙江紹興。

興縣東南十三里，③【陰】山北曰陰，④【蘭亭】在紹興縣西南二十七里，洛曰蘭渚，亭曰蘭亭，⑤【修禊】禊，音係，采蘭水上，以祓除不祥也，晉永和九年三月三日，羲之與太原孫統孫綽，廣漢王彬之，陳郡謝安，高平郗曇，太原王蘊，釋支道，并其子凝之徽之等，四十一人，修禊於蘭亭，作蘭亭集序，⑥【湍】他官切，疾瀨也，⑦【流觴曲水】古人修禊曲水，與會者散列兩旁，投觴於水之上游，聽其隨波而下，止於某處，則其人取而飲之，見【玉海】，⑧【幽情】雅人之情懷也，⑨【惠風】風之和緩者，⑩【宇宙】【淮南子】往古來今謂之宙，四方上下謂之宇，⑪【俛】同俯，⑫【陳迹】已往之事迹也，【莊子】夫六經，先王之陳迹也，⑬【死生亦大矣】【莊子】仲尼曰，死生亦大矣，⑭【一死生】【莊子】予惡乎知夫死者不悔其始之蘄生乎，⑮【虛誕】後漢左雄傳「虛誕者獲譽」，⑯【齊彭殤】【莊子】莫壽乎殤子，而彭祖爲夭，⑰【妄作】【論衡】聖賢文不妄作，作有益於化，化有補於正，

徵士頌序

〔魏書高允傳〕允以昔歲同徵，零落將盡，感逝懷人，作徵士頌。

北魏 高 允

夫百王之御士也。莫不資仗羣才。以隆治道。故周文以多士克寧。

起引古事
見得比隆

周漢所以可頌

敘述處就
詔令剪裁
得來簡淨
合法

日月推移
一接文有
賦筆

漢武以得賢爲盛。此載籍之所記。由來之常義。魏自神廩已後。宇
內平定。誅赫連積世之僭。掃窮髮不羈之寇。南摧江楚。西盪涼域。
殊方之外。慕義而至。於是偃兵息甲。修立文學。登延僑造。酬諮政
事。夢想賢哲。思遇其人。訪諸有司。以求名士。咸稱范陽盧玄等四
十二人。皆冠冕之胄。著問州邦。有羽儀之用。親發明詔。以徵玄等。
乃曠官以待之。懸爵以縻之。其就命三十五人。自餘依例州郡所
遣者。不可稱記。爾乃髦士盈朝。而濟濟之美興焉。昔與之俱蒙斯
舉。或從容廊廟。或游集私門。上談公務。下盡忻娛。千載一時。始於
此矣。日月推移。吉凶代謝。同徵之人。凋殲殆盡。在者數子。然復分
張。往昔之忻變爲悲感。張仲業東臨營州。遲其還返。一敘於懷。齊

轉到感逝
懷人但覺
俯仰裴回
不勝悽惻

衿于垂歿之年。寫情于桑榆之末。其人不幸。復至殞歿。在朝者皆
後進之士。居里者非疇昔之人。進涉無寄心之所。出入無解顏之
地。顧省形骸。所以永歎而已。夫頌者美盛德之形容。亦可以長
言寄意。不爲文二十年。然事切於心。豈可默乎。遂爲之頌。

音註 ①【多士克寧】〔詩大雅〕濟濟多士，文王以寧。 ②【得賢爲盛】〔漢書主父偃嚴

安賈捐之傳贊〕漢興，征伐胡越，於是爲盛，究觀淮南捐之主父嚴安之義，深切著明，故

備論其語。 ③【神廟】厲，音加，魏世祖年號。 ④【誅赫連句】〔晉書載記〕赫連勃勃，匈

奴右賢王去卑之後，劉元海之族也，父嚮辰爲西單于，爲魏所執，殺之，勃勃奔姚興，興

以爲持節安北將軍，鎮朔方，勃勃并其衆，僭稱天王，以匈奴夏后氏之苗裔，國稱大夏，

進據咸陽，入長安，僭即皇帝位，宋元嘉二年死，子昌嗣僞位，尋爲魏所擒，弟定僭號於

平涼，遂爲魏所滅。 ⑤【掃窮髮句】〔魏書世祖紀〕神麤二年，車駕北伐，五月丁未，次於

沙漠，舍輜重，輕騎兼馬，至粟水，蠕蠕震怖，焚燒廬舍，絕迹西走，〔又蠕蠕傳論〕蠕

蠕者，匈奴之裔，自小爲大，倏來忽往，魏氏祖宗，翦之窮髮之野，逐之無人之鄉，（按）窮髮，極北不毛之地也，〔莊子〕窮髮之北，有冥海者，④〔南摧江楚〕謂平渭臺，敗宋將檀道濟王仲德也，⑤〔西邊涼域〕〔晉書載記〕沮渠蒙遜，臨松盧水胡人，以安帝隆安元年，自稱涼州牧，義熙八年僭立，宋元嘉十年死，子茂虔立，六年，爲魏所擒，〔魏書世祖紀〕延和五年六月，西討沮渠牧犍，九月，牧犍與左右文武五千人，面縛軍門，帝解其縛，待以藩臣之禮，收其城內戶口二十餘萬，倉庫珍寶不可稱計，（按）茂虔，即牧犍，⑥〔偃兵息甲數句〕〔魏書世祖紀〕神麴四年，詔曰，頃逆命縱逸，方夏未寧，戎車屢駕，不遑休息，今二寇摧殄，士馬無爲，方將偃武修文，遵太平之化，理廢職，舉逸民，拔起幽窮，延登僑乂，昧且思求，想遇師輔，雖殷宗之夢板築，罔以加也，訪諸有司，咸稱范陽盧玄，博陵崔綽，趙郡李靈，河間邢穎，渤海高允，廣平游雅，太原張偉等，皆賢儔之肖，冠冕州邦，有羽儀之用，詩不云乎，鶴鳴九皋，聲聞于天，庶得其人，任之政事，共臻盛熙之美，易曰，我有好爵，吾與爾縻之，如玄之比，隱迹衡門，不耀名譽者，盡勅州郡以禮發遣，⑦【三十五人】盧玄，崔綽，燕宗，常陟，高毗，李欽，許堪，杜銓，韋圓，李詵，李靈，李遐，張偉，祖邁，祖侃，劉策，許琛，宋宣，劉遐，邢穎，高濟，李熙，游雅，

崔建、宋愔、潘天符、杜熙、張綱、張誕、王道雅、閔弼、郎苗、侯辯、呂李才、并高允共二十
 五人也、見〔魏書高允傳〕、①〔髦士〕〔詩小雅〕烝我髦士、〔傳〕髦、俊也、②〔濟
 濟〕衆盛貌、見上、③〔分張〕〔鍾會移蜀檄〕巴蜀一州之衆、分張守備、④〔仲業〕
 〔魏書張偉傳〕偉字仲業、小名翠螭、太原中都人、世祖時、拜中書博士、後出爲平東將
 軍、營州刺史、⑤〔營州〕治和龍、今直隸朝陽縣、⑥〔遲〕待也、〔後漢章帝紀〕朕思
 遲直士、側席異聞、⑦〔桑榆〕喻暮年也、〔世說〕謝太傅語王右軍曰、中年傷於哀樂、
 與親友別、輒作數日惡、王曰、年在桑榆、自然至此、正賴絲竹陶寫、

懷舊志序

梁元帝

敘述往事
 好整以暇
 不事斯削
 故流動多
 致

吾自北守琅臺。東探禹穴。觀濤廣陵。面金湯之設險。方舟宛委。眺
 玉笥之干霄。臨水登山。命儻嘯侶。中年承乏。攝牧神州。戚里英賢。
 尙冠髦俊。蔭眞長之弱柳。觀茂弘之舞鶴。清酒繼進。甘果徐行。長
 安郡公爲其延譽。扶風長者刷其羽毛。於是駐伏熊迴。結駟命鄒。
七
八
九
十
十一
十二
十三
十四
十五
十六
十七
十八
十九
二十
廿一
廿二
廿三
廿四
廿五

寫懷舊只
輕輕數筆
讀之若不
勝情

湛廿六召王祥顧而言曰斯樂難長誠有之矣廿七日月不居零露相半素廿八車白馬往矣不追春華秋實懷哉何已獨軫魂交情深宿草故備三十書爵里陳懷舊焉卅二

音註 ①【琅臺】即琅琊臺，秦始皇作，在今山東諸城縣東南百六十里，②【禹穴】在

今浙江紹興縣東南會稽山，〔水經注〕會稽山上有禹廟，山東有井，深不見底，即禹穴也，〔史記〕二十而南游江淮，上會稽，探禹穴，③【觀濤廣陵】廣陵，今江蘇江都縣，〔枚乘七發〕將於八月既望，觀濤於廣陵之曲江，④【金湯】〔漢書〕皆為金城湯池，不可攻也，〔注〕金喻堅，湯喻沸熱不可近，⑤【方舟】〔爾雅〕大夫方舟，〔注〕併兩船也，⑥【宛委】〔括地志〕石簪山，一名玉笥山，又名宛委山，即會稽山一峯也，⑦【玉笥】見上，⑧【嘯】呼也，⑨【承乏】〔左傳成二年〕攝官承乏，⑩【牧】州長也，〔禮曲禮〕九州之長，入於天子之國曰牧，⑪【神州】謂中國也，〔史記孟荀列傳〕中國名曰赤縣神州，⑫【戚里】〔史記〕徙其家長安中戚里，〔注〕於上有烟戚者皆居之，故曰戚里，⑬【尙冠】〔漢書〕時會朝，請舍長安尙冠里，〔注〕尙冠者，長安中里

名、①【髦俊】髦，音毛，〔爾雅注〕士中之俊，猶毛中之髦，②【眞長】晉劉惔，字眞長，沛國相人，③【茂弘】晉王導，字茂弘，琅邪臨沂人，④【長安】漢之西都，故城在今陝西長安縣西北，又凡天子所都，亦稱長安，⑤【郡公】爵名，始於晉，如小國王，謂之開國郡公，⑥【延譽】〔晉書張華傳〕窮賤之士有一介之善者，每咨嗟稱咏，爲之延譽，⑦【扶風】郡名，右扶風，漢三輔地，今陝西鳳翔等處，⑧【長者】顯貴之人，〔史記〕門外多長者車轍，⑨【羽毛】喻聲望也，〔張衡西京賦〕所好生毛羽，所惡成瘡疖，⑩【伏熊】〔後漢書〕倚鹿伏熊，〔注〕輜車也，⑪【結駟】謂車前四馬并轡而行也，〔史記〕子貢相衛而結駟連騎，⑫【鄒湛】字潤甫，晉新野人，⑬【王祥】字休徵，晉琅邪臨沂人，⑭【日月不居】〔孔融論盛孝章書〕歲月不居，時節如流，⑮【素車白馬】范式與張劭相友善，劭死，將窆，式素車白馬，號哭而來，執紼引柩，見〔後漢書〕，⑯【春華秋實】曹植家丞邢頤，無所屈撓，庶子劉楨，美文辭，植親楨而疏頤，楨諫曰，君侯採庶子之春華，忘家丞之秋實，見〔魏志〕，⑰【軫】痛也，⑱【魂交】〔莊子〕其夢也魂交，其覺也形開，⑲【宿草】〔禮檀弓〕朋友之墓，有宿草而不哭焉，

玉臺新詠序

簡文帝爲太子，好作豔詩，乃令徐陵撰玉臺新詠，以大其體。

陳徐陵

海昌許棟 云駢語至 徐庾五色 相宜八音 迭奏可謂 六朝之渤 澥唐代之 津梁而是 篇尤為聲 偶兼到之 作鍊格鍊 詞綺縮繡 錯幾於赤 城千里霞 矣

凌雲概日二由余之所未窺三萬戶千門四張衡之所曾賦五周王璧臺之
 上漢帝金屋之中七玉樹以珊瑚作枝珠簾以玳瑁為柙其中有麗
 人焉其人也八五陵豪族充選掖庭九四姓良家馳名永巷亦有穎川
 新市河閒觀津本號嬌娥曾名巧笑楚王宮內無不推其細腰魏十一
 國佳人俱言訝其纖手閱詩敦禮非直東鄰之自媒十二婉約風流無
 異西施之被教十三弟兄協律自小學歌十四少長河陽由來能舞琵琶新
 曲無待石崇篋篋雜引非因曹植傳鼓瑟於楊家得吹簫於秦女十五
 至若寵聞長樂陳后知而不平十六畫出天僊闕氏覽而遙妒十七至如東
 鄰巧笑來侍寢於更衣十八西子微顰將橫陳於甲帳陪游馭娑騁纖
 腰於結風長樂鴛鴦奏新聲於度曲十九妝鳴蟬之薄鬢照墮馬之垂

自五陵豪
族至此總
爲佳麗如
彼一語極
意形容

工麗無匹

鬢反插金鈿橫抽寶樹南都石黛最發雙蛾北地燕脂偏開兩靨
亦有嶺上僊童分丸魏帝腰中寶鳳授曆軒轅金星與婺女爭華
麝月共嫦娥競爽驚鸞冶袖時飄韓掾之香飛燕長裾宜結陳王
之佩雖非圖畫入甘泉而不分言異神僊戲陽臺而無別真可謂
傾國傾城無對無雙者也加以天情開朗逸思彫華妙解文章尤
工詩賦琉璃硯匣終日隨身翡翠筆牀無時離手清文滿篋非惟
芍藥之花新製連篇寧止蒲萄之樹九日登高時有緣情之作萬
年公主非無誅德之辭其佳麗也如彼其才情也如此既而椒房
宛轉柘館陰岑絳鶴晨嚴銅螽書靜三星未夕不事懷衾五日猶
賒誰能理曲優游少託寂莫多閒厭長樂之疎鐘勞中宮之緩箭

敍作詩之
由先用陪
襯步驟井
然

鮮華朗潤
不專事雕
飾也

有美一人
呼之欲出
是真能傳
神阿堵中
者

輕身無力怯南陽之擣衣。生長深宮笑扶風之織錦。雖復投壺玉
七二 七三 七四
女為歡盡於百驍爭博齊姬心賞窮於六箸無怡神於暇景惟屬
七五 七六 七七
意於新詩可得代彼萱蘇微蠲愁疾但往世名篇當今巧製分諸
七八
麟閣散在鴻都不藉篇章無由披覽於是然脂暝寫弄墨晨書撰
八九 八二
錄豔歌凡為十卷曾無參於雅頌亦靡濫於風人涇渭之閒若斯
八三 八四 八五 八六 八七
而已於是麗以金箱裝之寶軸三臺妙迹龍伸螭屈之書五色花
八八 八九 九一 九二
牋河北膠東之紙高樓紅粉仍定魯魚之文辟惡生香聊防羽陵
九三 九四 九五 九六 九七 九八 九九
之蠹靈飛六甲高擅玉函鴻烈僊方長推丹枕至如青牛帳裏餘
一〇〇 一〇一
曲未終朱鳥窗前新妝已竟方當開茲縹帙散此緇繩永對駘於
一〇二
書帷長循環於織手豈如鄧學春秋儒者之功難習寶傳黃老金

丹之術不成。固勝西蜀豪家。託情窮於魯殿。東儲甲觀。流詠止於洞簫。變彼諸姬。聊同棄日。猗與彤管。麗矣香奩。

音註

①【凌雲概日】〔周書武帝紀〕帝平鄴詔曰，僞齊叛渙，竊有漳濱，世繼淫風，事窮

彫飾，或穿池運石，爲山學海，或厝臺累構，概日凌雲，〔海錄碎事〕凌雲臺，魏文帝黃初二年築，②【由余未窺】〔史記秦紀〕由余，其先晉人也，亡入戎，能晉言，聞繆公賢，

故使由余觀秦，秦繆公示以宮室積聚，由余曰，此乃所以亂也，③【萬戶千門】〔史記

孝武紀〕作建章宮，度爲千門萬戶，④【張衡曾賦】〔張衡西京賦〕閨庭詭異，門千戶

萬，⑤【周王璧臺】〔穆天子傳〕盛姬，盛伯之子也，天子賜之上姬之長，乃爲之臺，是

曰重璧之臺，⑥【漢帝金屋】〔漢武故事〕帝爲膠東王，年數歲，長公主指問曰，兒欲

得婦否，曰，欲得，指女阿嬌好否，笑曰，若得阿嬌，當作金屋貯之，⑦【玉樹二句】〔漢

武故事〕上起神屋於前庭，植玉樹，以珊瑚爲枝，碧玉爲葉，花子青赤，以珠玉爲之，空

其中，如小鈴，鎗鎗有聲，又以白珠爲簾，玳瑁柙之，〔按〕柙，鎮簾之具也，⑧【五

陵】漢高帝長陵，惠帝安陵，景帝陽陵，武帝茂陵，昭帝平陵也，士人多宅於此，見〔班

固西都賦注】、㊸【掖庭】宮旁舍也、有長廡相通、亦稱永巷、〔漢書百官公卿表〕武帝更名永巷曰掖庭、〔後漢皇后紀論〕漢法常因八月算人、遣中大夫與掖庭丞及相工於洛陽鄉中、閱視良家童女、年十三以上、二十以下、姿色端麗、合法相者、載還後宮、㊹【四姓】〔漢書注〕袁宏漢紀、永平中、崇尚儒學、爲外戚樊氏郭氏陰氏馬氏諸子弟立學、號四姓小侯、㊺【永巷】〔列女傳〕周宣姜后脫簪珥、待罪永巷、㊻【潁川】〔晉書〕明穆庾皇后、潁川郡陵人、美姿儀、㊼【新市】〔後漢書〕光烈陰皇后、南陽新野人、帝常歎曰、娶妻當得陰麗華、㊽【河間】〔三輔黃圖〕列仙傳曰、鈎弋夫人姓趙氏、河間人、右手鈎卷、姿色佳麗、武帝反其手、得玉鈎、而手展、㊾【觀津】〔漢書〕孝文竇皇后、家在清河、親早卒、葬觀津、〔注〕觀津、清河之縣也、㊿【嬌娥】〔左思嬌女詩〕左家有嬌女、皎皎頗白皙、〔方言〕秦謂好曰娥、㊽【巧笑】〔中華古今注〕段巧笑、魏文帝宮人、始作紫粉拂面、㊾【楚王二句】〔後漢書馬廖傳〕楚王好細腰、宮中多餓死、㊿【魏國二句】〔詩魏風〕摻摻女手、可以縫裳、〔傳〕摻摻、猶纖纖也、〔陸機詩〕佳人撫琴瑟、纖手清且閑、㊽【東鄰自媒】〔宋玉登徒子好色賦〕臣里之美者、莫若臣東家之子、然此女登牆鬪臣三年、至今未許也、㊾【婉約風流】〔法書要錄〕劉德昇、桓靈

時以行書擅名，風流婉約，獨步當時，㊸【西施被教】〔越絕書〕美人宮周五百九十步，陸門二，水門一，句踐所習教美女西施鄭旦宮臺也，女出於苧蘿山，㊹【弟兄協律】〔漢書〕李延年，中山人，女弟得幸於上，號李夫人，延年善歌，由是爲協律都尉，㊺【少長河陽】〔漢書五行志〕成帝微行出遊，常與富平侯張放俱，稱富平侯家人，過河陽，主作樂，見舞者趙飛燕而悅之，㊻【琵琶二句】〔石崇王明君序〕昔公主嫁烏孫，令琵琶馬上作樂，以慰其道路之思，其送明君，亦必爾也，其造新曲，多哀怨之聲，㊼【箜篌二句】箜篌，一名坎侯，〔風俗通〕〔漢書孝武皇帝禱祠太乙后土，始用樂人侯調依琴作坎坎之樂，言其坎坎應節奏也，侯以姓冠章耳，〕樂府有曹植箜篌引，㊽【鼓瑟句】〔漢書楊惲傳〕婦趙女也，雅善鼓瑟，㊾【吹簫句】〔列仙傳〕簫史者，秦穆公時人，善吹簫，能致孔雀白鶴，穆公女弄玉好之，公乃妻焉，㊿【寵聞長樂二句】〔漢武故事〕建章長樂宮，輦道相屬，懸棟飛閣，不由徑路，〔漢書〕孝武陳皇后擅寵驕貴，十餘年而無子，聞衛子夫得幸，幾死者數焉，〔按〕子夫居長樂宮，㊽【畫出天仙二句】閼氏，讀若燕支，匈奴王后之稱，〔集覽〕高帝平城之圍，陳平使畫工圖美女，閒遣人遺閼氏，言漢有此美女，今皇帝困阨，欲獻之，閼氏畏奪己寵，因謂單于曰，漢天子亦有神靈，得其

土地、非能有之、於是匈奴開其一角、得突出、^㉑【東鄰巧笑】〔宋玉登徒子好色賦〕臣東家之子、嫣然一笑、惑陽城、迷下蔡、〔詩衛風〕巧笑倩兮、美目盼兮、^㉒【侍寢更衣】〔繁欽詩〕侍寢執衣巾、〔史記〕武帝還過平陽主、既飲、起更衣、子夫侍尚衣軒中、得幸、^㉓【西子微顰】〔莊子〕西施病心而顰、其里之醜人見而美之、歸亦捧心而顰、（按）顰顰二字通、^㉔【橫陳甲帳】〔司馬相如好色賦〕花容自獻、玉體橫陳、〔漢武故事〕以琉璃珠玉明月夜光、雜錯天下珍寶、爲甲帳、其次爲乙帳、甲以居神、乙以自御、^㉕【馭娑】馭、思答切、娑、思式切、〔三輔黃圖〕關中記稱建章宮有馭娑殿、^㉖【結風】〔傅毅舞賦序〕激楚結風陽阿之舞、^㉗【鴛鴦】〔三輔黃圖〕武帝時有鳳凰鴛鴦等殿、^㉘【鳴蟬薄鬢】〔中華古今注〕魏文帝宮人莫瓊樹、始製爲蟬鬢、望之縹緲、如蟬翼然、^㉙【墮馬垂鬟】〔後漢書〕梁冀妻孫壽、色美而善爲妖態、作愁眉、啼妝、墮馬髻、折腰步、顰齒笑、以爲媚惑、^㉚【金鈿】金華也、金華爲飾、田田然也、〔庾肩吾詩〕繁鬟起照鏡、誰忍去金鈿、^㉛【寶樹】〔後漢書輿服志〕皇后步搖、以黃金爲山題、貫白珠爲桂枝相繆、一爵九華、〔王融頭陀寺碑〕寶樹抵枝、^㉜【石黛】〔梁書〕天監中、詔宮中作白妝青黛眉、〔留青日記〕廣東始興縣溪中石墨、婦女取以畫眉、名畫眉

石、^㉔【雙蛾】〔古今注〕魏宮人好畫長眉，令作蛾眉警鶴髻，〔何遜望新月詩〕雙蛾映水生、^㉕【燕脂】〔二儀錄〕燕脂起自紂，以紅藍花汁凝作脂，以爲姚花裝，蓋燕國所出、^㉖【兩鬢】壓笑鬢，〔楚辭〕壓輔奇牙、^㉗【仙童二句】〔魏文帝折楊柳行〕西山一何高，高高殊無極，上有兩僂童，不飲亦不食，與我一丸藥，光耀有五色，服藥兩三日，身輕生羽翼、^㉘【寶鳳二句】〔左傳昭十七年〕鳳鳥氏，曆正也，〔漢書律曆志〕民間亦有軒轅諸曆、^㉙【金星句】〔梁簡文帝詩〕約黃能效月，裁金巧作星，〔史記注〕婺女四星，天少府也，主布帛裁製嫁娶、^㉚【麝月句】〔張正見豔歌行〕裁金作小麝，散麝起微黃，〔酉陽雜俎〕近代妝尙麝如射月，曰黃星麝，麝，鈿子名，蓋自孫吳鄧夫人也，〔後漢書天文志注〕羿請無死之藥於西王母，姮娥竊之以奔月、^㉛【驚鸞冶袖】〔晉書索靖傳〕漂若驚鸞，〔袁宏賦〕舞迴鸞以紆袖、^㉜【韓揀香】〔晉書賈充傳〕韓壽美姿貌，爲賈充司空掾，充女賈午見壽而悅焉，時西域貢奇香，著人經月不歇，武帝賜充，充女密盜以遺壽、^㉝【飛燕長裾】〔王嘉拾遺記〕每輕風至，飛燕欲隨風入水，帝以翠纓結飛燕之裾、^㉞【陳王佩】〔曹植洛神賦〕願誠素之先達兮，解玉佩以要之，〔按〕植封陳王、^㉟【圖畫二句】〔漢書外戚傳〕孝武李夫人少而早卒，上憐閔焉，圖畫其形於

甘泉宮、(按)甘泉宮，在陝西淳化縣西北甘泉山。⑤【神仙二句】(宋玉高唐賦)楚襄王遊雲夢之澤，夢神女曰，妾在巫山之陽，高丘之岨，旦爲朝雲，暮爲行雨，朝朝暮暮，陽臺之下。(按)陽臺，山名，在今湖北漢川縣南。⑥【傾國傾城】(漢書外戚傳)延年侍上起舞，歌曰，北方有佳人，絕世而獨立，一顧傾人城，再顧傾人國，寧不知傾城與傾國，佳人難再得。⑦【無對無雙】(南史任昉傳)時瑤珞王融有才儷，自謂無對。(古詩爲焦仲卿妻作)精妙世無雙。⑧【芍藥】(南史王筠傳)筠幼而警悟，七歲能屬文，年十六，爲芍藥賦。(按)傳統妻有芍藥花頌。⑨【蒲萄】(前涼錄)張洪茂，燉煌人也，作蒲萄酒賦，甚美。⑩【九日登高】(歲華紀麗注)傅亮九月九日登陵歎館賦，重九之佳晨，九旻之暮月。⑪【緣情】(陸機文賦)詩緣情而綺靡。⑫【昧德】(左貴嬪萬年公主誄)猶歎公主，在幼克哲，方德比齒，有邁先烈。(按)左貴嬪，名芬，思妹，萬年公主，武帝女也。⑬【椒房】(漢官儀)皇后所居殿曰椒房，以椒和泥塗壁，故名。⑭【柘館陰岑】(何遜七召)其中則有桂宮柏寢，吳臺柘館，既陰岑而影響，亦叫嘯而迴易。⑮【三輔黃圖】柘館在上林苑。⑯【絳鶴】絳，朱色也。(蕭統文)掩鶴關而高臥。(江總爲陳六宮謝表)鶴籥晨啟。⑰【銅蠹】(風俗通)公輸班見水中蠹，引閉其戶，終不可

開、遂象之、立於門戶、⑤【三星】參也、〔詩唐風〕三星在天、⑥【五日】〔詩小雅〕五日爲期、⑦【長樂】宮名、在陝西長安縣西北故城中、本秦興樂宮、漢修飾之、因更名、〔三輔黃圖〕鐘室在長樂中、⑧【中宮】〔漢書霍光傳〕上官桀已爲九卿、位在光右、及父子並爲將軍、有椒房中宮之重、⑨【綬箭】箭、漏箭也、漏箭晝夜共百刻、冬夏有長短焉、太史立成法、有四十八箭、見〔周禮疏〕、⑩【南陽擣衣】〔述異記〕擣衣山、一名靈山、在琅琊山南、絕險、巖有方石、昔有神女於此擣衣、其石明瑩、謂之玉女擣練碓、⑪【扶風織錦】〔晉書列女傳〕齊滔妻蘇氏、名蓮、字若蘭、善屬文、滔苻堅時爲秦州刺史、被徙流沙、蘇氏思之、織錦爲迴文旋圖詩以贈滔、宛轉循環以讀之、詞甚悽惋、凡八百四十字、〔按〕齊滔、扶風人、⑫【投壺玉女】〔神異經〕東荒山中有大石室、東王公居、恒與一玉女投壺、⑬【百曉】曉、或作矯、矢矰也、〔西京雜記〕武帝時郭舍人能投壺、激矢令還、一矢百餘反、謂之爲曉、⑭【爭博齊姬】未詳、⑮【六箸】〔西京雜記〕許博昌、安陵人、善陸博、竇嬰好之、嘗與居處、法用六箸、或謂之究、以竹爲之、長六分、⑯【董蘇】〔王朗與魏太子書〕萱草忘憂、畢蘇釋勞、無以加也、⑰【麟閣】〔三輔黃圖〕麒麟閣在未央宮左、漢蕭何建以藏祕書、⑱【鴻都】〔後漢靈帝紀〕光和元

年、始置鴻都門學士、㊶【然脂】〔魏志劉馥傳〕夜然脂照城外、㊷【涇渭】二水名、涇清渭濁、〔三秦記〕涇水出并頭山、至高陵縣而入渭、與渭水合流、三百里、清濁不相雜、㊸【金箱】〔漢武內傳〕玉板金箱、是西胡康渠王所獻、㊹【寶軸】軸、卷軸也、〔徐陵諫仁山深法師罷道書〕朝觀尊容、暮披寶軸、㊺【三臺妙迹】〔漢官儀〕尚書爲中臺、謁者爲外臺、御史爲憲臺、謂之三臺、〔後漢書蔡邕傳〕舉高第、補侍御史、又轉侍御書史、遷尚書、三日之間、周歷三臺、㊻【龍伸螭屈】狀書法之妙、〔潘尼詩〕螭屈固小往、龍翔迺大來、㊼【五色花箋】〔鄴中記〕石虎詔書、以五色紙著木鳳口中、螭輪旋轉、飛下端門、㊽【河北膠東】皆出紙處、㊾【高樓紅粉】〔古詩〕盈盈樓上女、皎皎當窗牖、娥娥紅粉妝、纖纖出素手、㊿【魯魚文】〔抱朴子〕臆曰、書三寫、魯爲魚、虛爲虎、㊶【辟惡生香】〔魚豢典略〕芸臺香辟紙魚蠹、故藏書臺稱芸臺、㊷【羽陵蠹】〔穆天子傳〕天子東遊、次雀梁、因蠹書於羽陵、〔江總皇太子太學講碑〕羽陵蠹迹、嵩山落簡、㊸【靈飛二句】〔漢武內傳〕帝受西王母真形六甲靈飛十二事、帝盛以黃金几、封以白玉函、㊹【鴻烈二句】〔博物志〕劉德治淮南王獄、得枕中鴻寶祕書、及子向咸而奇之、信黃白之術可成、神仙之道可致、㊺【青牛帳】帳、車帳也、魏文帝以文

車十乘、迎薛靈芸、車皆鏤金爲帳、駕以青色之牛、見〔拾遺記〕、㊟【朱鳥窗】〔博物志〕王母降於九華殿、東方朔竊從殿南牖朱鳥牖中窺母、㊟【縹帙】以青白色帛作書衣也、〔梁昭明太子文選序〕詞人才子、則名溢於縹囊、飛文染翰、則卷盈乎縹帙、㊟【縑繩】縑、音韜、通作條、編絲繩也、㊟【阮】同玩、㊟【鄧學春秋】〔後漢鄧皇后傳〕太后自入宮掖、從曹大家受經書、晝省王政、夜則誦讀、又詔中官近臣、受讀經傳、㊟【竇傳黃老】〔漢書外戚傳〕孝文竇皇后、景帝母也、好黃帝老子言、景帝及諸竇、不得不讀老子、尊其術、㊟【西蜀豪家二句】〔蜀志〕劉琰爲車騎將軍、軍服飲食皆侈靡、侍婢數十、能爲聲樂、悉教誦讀魯靈光殿賦、㊟【東儲甲觀二句】〔漢書成帝紀〕元帝在太子宮、生甲觀畫堂、爲世嫡皇孫、〔又王褒傳〕元帝爲太子、帝嘉褒洞簫頌、令後宮貴人左右皆誦讀之、㊟【變彼諸姬】句見〔詩衛風〕、變、好也、諸姬、同姓之女也、㊟【棄日】〔南史徐勉傳〕嘗爲書戒其子崧曰、汝當自勵、見賢思齊、不宜忽略以棄日也、㊟【猗與彤管】猗與、歎美之辭、〔詩商頌〕猗與那與、〔又邶風〕靜女其變、貽我彤管、〔左傳注〕彤管、赤管筆、女史記事規誨之所執、㊟【香奩】奩、盛香器也、

奏議

師服議

晉摯 虞

引子貢之喪夫子若喪父而無服為立議之本

承師徒義重何作翻筆

有淺學暫學之師則心喪三年且不能援為定例是退一層說

自古無師服之制。故仲尼之喪。門人疑於所服。子貢曰。昔夫子之喪。顏回若喪子而無服。請喪夫子。若喪父而無服。遂心喪三年。此則懷三年之哀。而無齊衰之制也。羣居入則經_三。出則否。所謂弔服加麻也。先聖為禮。必易從而可傳。師徒義誠重。而服制不著。歷代相襲。不以為缺。且尋師者以彌高為得。故屢遷而不嫌。修業者以日新為益。故舍舊而不疑。仲尼稱_四三人行必有我師焉。子貢云_五夫何常師之有。淺學之師。暫學之師。不可皆為之。服義有輕重。服有廢興。則臧否由之而起。是非因之而爭。愛惡相攻。悔吝生焉。宜定新禮。無復如舊。

音註 ①【仲尼之喪】見〔禮檀弓〕。②【齊衰】音咨崔，喪服也，以麻布爲之，緝其下

邊，次於斬衰者。③【經】音盡，喪服所用之麻，或在手，或在腰。④【三人行句】〔論

語〕子曰：三人行，必有我師焉，擇其善者而從之，其不善者而改之。⑤【夫何常師句】

〔論語〕子貢曰：夫子焉不學，而亦何常師之有。

陳情表

〔晉書李密傳〕密父早亡，母何氏改醮，祖母劉氏躬自撫養，泰始初，詔徵爲太子洗馬，密以祖母年高，無人奉養，遂不應命。

晉李密

以父死母
嫁襯出祖
母來

數語極寫
淒涼光景
伏下不能
廢遠

臣密言。臣以險釁夙遭閔凶。生孩六月。慈父見背。行年四十。舅奪
母志。祖母劉愍臣孤弱。躬親撫養。臣少多疾病。九歲不行。零丁孤
苦。至於成立。既無伯叔。終鮮兄弟。門衰祚薄。晚有兒息。外無
強近之親。內無應門五尺之僮。茕茕孤立。影相弔而劉夙嬰疾
病。常在牀蓐。臣侍湯藥。未曾廢離。逮奉聖朝。沐浴清化。前太守臣

極言國恩
當報明非
專顧私情

先敘明所
以進退狼
狽畧作一
頓然後轉
出孝治天
下數句尤
易動聽

臣無祖母
以下十二
句純用白

達。察臣孝廉。後刺史臣榮。舉臣秀才。臣以供養無主。辭不赴命。詔
 書特下。拜臣郎中。尋蒙國恩。除臣洗馬。猥以微賤。當侍東宮。非臣
 隕首所能上報。臣具以表聞。辭不就職。詔書切峻。責臣逋慢。郡縣
 逼迫。催臣上道。州司臨門。急於星火。臣欲奉詔奔馳。則劉病日篤。
 欲苟徇私情。則告訴不許。臣之進退實為狼狽。伏惟聖朝以孝治
 天下。凡在故老。猶蒙矜育。況臣孤苦特為尤甚。且臣少仕僞朝。歷
 職郎署。本圖宦達。不矜名節。今臣亡國賤俘。至微至陋。猥蒙拔擢。
 寵命優渥。豈敢盤桓。有所希冀。但以劉日薄西山。氣息奄奄。人命
 危淺。朝不慮夕。臣無祖母。無以至今。日祖母無臣。無以終餘年。母
 孫二人更相為命。是以區區不能廢遠。臣密今年四十有四。祖母

描而情意
深摯千載
下讀之猶
爲感泣

劉。今。年。九。十。有。六。是。臣。盡。節。於。陛。下。之。日。長。報。劉。之。日。短。也。烏。烏。廿六
私。情。願。乞。終。養。臣。之。辛。苦。非。但。蜀。之。人。士。及。二。州。牧。伯。所。見。明。知。廿七 廿八
皇。天。后。土。實。所。共。鑒。願。陛。下。矜。愍。愚。誠。聽。臣。微。志。庶。劉。僥。倖。卒。保。廿九
餘。年。臣。生。當。隕。首。死。當。結。草。臣。不。勝。犬。馬。怖。懼。之。情。謹。拜。表。以。聞。三十 卅一

音註

○【險釁】釁，兆也。○【夙遭閔凶】夙，早也。〔左傳宣十二年〕楚少宰曰：寡君少遭閔凶。○【見背】猶言棄養。背，音施。棄也。○【舅奪母志】言舅嫁其母何氏，使不得守節也。〔詩序〕衛世子蚤死，其妻守義，父母欲奪而嫁之。○【零丁】孤單之謂。一作伶仃。〔李陵贈蘇武詩〕遠處天一隅，苦困獨伶仃。○【祚】福也。○【葦功之親】指伯叔兄弟而言。○【夔夔】音瓊，孤獨貌。○【形影相弔】〔曹植書躬表〕形影相弔，五情愧赧。○【嬰】羈絆也。○【牀蓐】蓐，同褥。〔後漢書張禹傳〕鄧太后以殤帝初育，詔禹舍宮中，給帷帳牀褥。○【沐浴】喻身受其潤也。〔史記〕沐浴膏澤而歌詠勤苦。○【洗馬】〔漢書〕太子屬官有洗馬。○【狼】頓也。○【東宮】太子

宮也、④【隕首】〔漢書〕谷永上書王鳳曰、齊客隕首公門、以報恩施、⑤【逋慢】逋、緩也、⑥【星火】喻急迫也、⑦【狼狽】二獸名、狼前二足長、後二足短、狽前二足短、後二足長、狼無狽不立、狽無狼不行、若相離則進退不得、見〔博物彙〕、〔孔叢子〕孔子曰、吾於狼狽見聖人之志、⑧【僞朝】謂劉漢也、〔晉書李密傳〕少仕蜀、爲郎、數使吳、有才辯、吳人稱之、⑨【俘】〔國語注〕伐國取人曰俘、⑩【優渥】〔詩小雅〕既優既渥、⑪【盤桓】難進貌、〔易屯卦〕盤桓、利居貞、⑫【日薄西山】〔揚雄反離騷〕臨汨羅而自隕兮、恐日薄於西山、⑬【奄奄】將絕也、⑭【烏鳥】孝鳥也、能反哺其母、〔晉書庾純傳〕臣不惟生育之恩、求養老父、而懷祿貪榮、烏鳥之不若、⑮【二州】梁益二州也、梁治南鄭、益治成都、見〔晉書地理志〕、⑯【牧伯】州長也、⑰【僥倖】與徵幸同、覬所非望也、〔禮中庸〕小人行險以徵幸、⑱【結草】〔左傳宣十五年〕晉魏顆敗秦師於輔氏、獲杜回、秦之力人也、初、武子有嬖妾、無子、武子疾、命顆曰、必嫁是、疾病曰、必以爲殉、顆嫁之、曰、疾病則亂、吾從其治也、及輔氏之役、顆見老人結草以亢杜回、杜回躡而顛、故獲之、夜夢之曰、余而所嫁婦人之父也、⑲【不勝犬馬】〔史記〕丞相青翟曰、臣不勝犬馬心、

禁奢上書

晉傅咸

攬古證今
氣渾詞樸

所以當禁
引毛尚書
事即其身
正不令而
行之義

臣以爲穀帛難生。而用之不節。無緣不匱。故先王之化天下。食肉衣帛。皆有其制。竊爲奢侈之費。甚於天災。古者堯有茅茨。今之百姓。競豐其屋。古者臣無玉食。今之賈豎。皆厭粱肉。古者后妃。乃有殊飾。今之婢妾。被服綾羅。古者大夫。乃不徒行。今之賤隸。乘輕驅肥。古者人稠地狹。而有儲蓄。由於節也。今者土廣人稀。而患不足。由於奢也。欲時之險。當詰其奢。奢不見詰。轉相高尚。昔毛玠爲吏部尚書時。無敢好衣美食者。魏武帝歎曰。孤之法。不如毛尚書。令使諸部用心。各如毛玠。風俗之移。在不難矣。

音註

○【食肉衣帛二句】〔禮王制〕六十非肉不飽，七十非帛不煖，
②【茅茨】茨，音

慈，以茅蓋屋也，〔淮南子〕麴之有天下也，身服節儉之行，茅茨不剪，采椽不斷，③

【玉食】言珍異之食，〔書洪範〕惟辟玉食，④【賈豎】賈，音古，謂商人之賤者，〔史

記〕今相國多受賈豎金，⑤【獸足也，古與蹙通，⑥【大夫不徒行】〔論語〕以吾從

大夫之後，不可徒行也，⑦【毛玠】字孝先，三國魏平丘人，以清公稱，居顯位，常布衣

疏食，魏國初建，為尙書僕射，⑧【魏武帝】姓曹，名操，為漢大將軍，進位丞相，封魏

王，子丕篡漢，追尊為武帝。

解尙書表

〔晉書殷仲文傳〕桓玄篡位，仲文以佐命親貴，厚自封崇，及玄為劉裕所敗，隨玄西走，至巴陵，因奉二后投義軍，為鎮軍長史，轉尙書，帝初

反正，抗表自解。

晉 殷仲文

起作噓語
奇突

伏下用忘
遇退句

臣聞洪波振壑，川無恬鱗，驚飈拂野，林無靜柯，何者？勢弱則受制，於巨力質微，則莫以自保。於理雖可得，而言於臣實所敢。噓昔桓玄之世，誠復驅迫者衆，至於愚臣，罪實深矣。進不能見危授命，忘身殉國，退不能辭粟首陽，拂衣高謝。遂乃晏安昏寵，叨昧偽封，錫

自陳罪狀
一層幸免
刑戮又一
層末乃說
到解職層
次井然文
亦簡練名
貴

文篡事十三曾無獨固。名義以之俱淪。情節自茲兼撓。宜其極法。以判
忠邪十四。鎮軍臣裕。匡復社稷。大弘善貸。佇一戮於微命。申三驅於大
信十七。既惠之以首領。復引之以繫維。於時皇輿否隔十九。天人未泰。用忘
進退廿一。惟力自視。是以黽勉從事。自同全人。今宸極反正廿四。維新告始。
憲章廿六既明。品物思舊。臣亦胡顏之厚。可以顯居榮次。乞解所職。待
罪私門。違謝闕庭。乃心愧戀。謹拜表以聞。

音註

①【洪波】〔王脩奏記〕涓流之水。無洪波之勢。②【恬鱗】恬。安也。③【驚

颺】颺。音標。暴風也。〔張衡南都賦〕驚颺逸足。④【靜柯】〔徐臺伯登長城賦〕危

蓬隕蒂。森木靜柯。⑤【桓玄】〔晉書桓玄傳〕玄。字敬道。大司馬溫之孽子。玄自知怨

滿天下。欲速定篡逆。殷仲文卜範之等。又共催促之。於是諷帝以禪位。劉裕劉毅何無忌

等。率義軍而進。玄衆盡潰。玄被箭。益州都督馮遷斬之。時年三十六。⑥【見危授命

句】見〔論語〕、㊸【忘身殉國】〔司馬遷報任安書〕常思奮不顧身、以殉國家之急、㊹

【辭粟首陽】首陽山在今山西永濟縣南、〔史記〕武王已平殷亂、天下宗周、而伯夷叔

齊恥之、義不食周粟、隱於首陽山、采薇而食之、㊺【拂衣高謝】〔謝靈運述祖德詩〕拂

衣五湖裏、〔徐陵勸進表〕高謝爲君、徒引箕山之客、㊻【晏安】〔左傳閔元年〕晏安

耽毒、不可懷也、㊼【僞封】〔晉書殷仲文傳〕玄將爲亂、使總領詔命、以爲侍中、領左

衛將軍、㊽【錫文簪事】〔晉書桓玄傳〕玄矯詔、爲楚王加九錫、仲文之辭也、既至姑

熟、羣臣勸進、遂篡位、㊾【曾無獨固】曾無固守之節、亦從於衆也、㊿【鎮軍臣裕

裕、劉裕也、時爲鎮軍將軍、桓玄篡逆、裕討平之、】〔善貸〕〔老子〕夫惟道善貸且

成、㊶【三驅】〔易比卦〕王用三驅、失前禽、〔注〕三驅之禮、禽逆來趣己則舍之、背

己而走則射之、愛於來而惡於去也、㊷【首領】〔左傳隱三年〕得保首領以沒、㊸

【繫維】〔詩小雅〕繫之維之、㊹【皇輿否隔】時安帝尙未還建業、〔陸機辯亡論〕旋

皇輿於夷庚、㊺【天人未泰】言治化未洽也、〔漢書董仲舒傳〕以觀天人相與之際、甚

可畏也、㊻【惟力是視】〔左傳僖二十四年〕除君之惡、惟力是視、㊼【黽勉】勉強自

忍、〔詩邶風〕何有何亡、黽勉求之、㊽【全人】〔呂氏春秋〕任天下而不強、此之謂

全人、〔注〕全人，全德之人，無虧缺也。〔宸極〕北極也，亦稱天子之位。〔晉書〕聖

人擬宸極以運璿璣。①〔維新〕〔詩大雅〕周雖舊邦，其命維新。②〔憲章〕〔禮中

庸〕仲尼祖述堯舜，憲章文武。③〔品物〕〔易乾卦〕雲行雨施，品物流形。④〔胡顏

之厚〕詩小雅顏之厚矣。⑤〔私門〕猶言家門。〔潘岳西征賦〕反初服於私門。

求自試啓

〔南齊書王融傳〕融博涉有文才，遷太子舍人，以父官不通，弱年使徵紹與家業，啓世祖求自試。

南齊 王 融

借動植自
喻筆機圓
熟

措詞委婉

臣聞春庚秋螽集候相悲。露木風榮臨年共悅。夫惟動植且或有
心。況在生靈而能無感。臣自奉望宮闕。沐浴恩私。拔迹庸虛。參名
盛列。纓劍紫複。趨步丹墀。歲時歸來。誇榮邑里。然無勤而官。昔賢
會議。不任而祿。有識必譏。臣所用慷慨憤懣。不遑自安。誠以深恩
鮮報。聖主難逢。蒲柳先秋。光陰不待。貪及明時。展悉愚効。以酬陛

使事貼切
翦裁亦極
工整

下不世之仁。若微誠獲信。短才見序。文武吏法。惟所施用。夫君道含弘。臣術無隱。翁歸乃居中。自見充國。曰莫若老臣。竊景前修。敢蹈輕節。以冒不媒之鄙。式罄奉公之誠。抑又唐堯在上。不參二八。管夷吾恥之。臣亦恥之。願陛下裁覽。

音註

①【春庚秋蟀】倉庚鳴於春，蟋蟀鳴於秋也，〔詩豳風〕春日載陽，有鳴倉庚，〔又

唐風〕蟋蟀在堂，歲聿其莫，②【集候】集，就也，應氣候而鳴，③【露木風笳】笳，華

也，〔爾雅〕木謂之華，草謂之榮，④【臨年】及時也，⑤【有心】〔禮禮器〕如松柏

之有心也，⑥【庸虛】謂庸俗空虛，無所表見也，〔北史劉炫傳〕以此庸虛，屢動聖

眷，⑦【纓劍】猶冠劍，纓，冠系也，〔史記貨殖傳〕游閑公子飾冠劍，連車騎，⑧【紫

複】〔梁簡文帝在州羸疾自解表〕昔違紫複，曾不弱冠，⑨【丹墀】以丹漆地也，〔張

衡西京賦〕青瑣丹墀，⑩【蒲柳先秋】〔晉書顧悅之傳〕悅之與簡文同年，而髮早

白，帝問其故，對曰，松柏之姿，經霜猶茂，蒲柳常質，望秋先零，⑪【明時】〔曹植求自

冒頭數句
本除莠安
良大主義
蓋不如是
不足以稱
彈文

試表〕志欲自效於明時，㊸【翁歸】〔漢書尹翁歸傳〕字子兄，河東平陽人，田延年為河東太守，行縣至平陽，悉召故吏五六十人，令有文者東，有武者西，閱數十人，次到翁歸，獨伏不肯起，對曰，翁歸文武兼備，唯所施設，㊹【充國】〔漢書趙充國傳〕時充國年七十餘，上老之，使御史大夫丙吉，問誰可將者，充國對曰，亡踰於老臣者矣，㊺【前修】謂往哲也，【楚辭】謇吾法夫前修兮，㊻【不媒】〔曹植求自試表〕自衒自媒者，士女之醜行也，㊼【式馨】式，用也，馨，盡也，㊽【奉公】〔漢書〕趙禹志在奉公孤立，㊾【唐藝三句】未詳所出，二八，八元八愷也。

修竹彈甘蔗文

甘蔗，多年生植物，形類芭蕉，而莖較高，實長四五寸，肉質柔輒，有香氣而甘，其莖可分擘如絲，以灰凍之。

梁沈約

渭川長兼淇園貞幹臣修竹稽首臣聞斐夷蘊崇農夫之善法無使滋蔓翦惡之良圖未有蠹苗害稼不加窮伐者也切尋蘇臺前甘蔗一叢宿漸雲露荏苒歲月擢本盈尋垂蔭含丈階緣寵渥銓

羅離涉游
戲當有所
指

寵
喻乘權攘

此處回應
爾蓋用典
貼切真是
詞令妙品

衡百卉而予奪乖爽。高下在心。每叨天功。以為己力。風聞籍聽。非
復一塗。猶謂愛憎異說。所以挂乎嚴網。今月某日。有臺西階澤蘭
萱草。到園同訴。自稱雖慚杞梓。頗異蒿蓬。陽景所臨。由來無隔。今
月某日。巫岫斂雲。秦樓開照。乾光弘普。罔幽不矚。而甘蔗攢莖。布
影獨見障蔽。雖處臺隅。遂同幽谷。臣謂偏辭難信。敢察以情。登攝
甘蔗左近。杜若江離。依源辨覆。兩草各處。異列同款。既有證據。羌
非風聞。切尋甘蔗。出自藥草。本無芬馥之香。柯條之任。非有松柏
後彫之心。蓋闕葵藿。傾陽之識。憑藉慶會。躋絕倫等。而得人之譽。
靡聞稱平之聲。寂寞。遂使言樹之草。忘憂之用。莫施無絕之芳。當
門之弊。斯在妨賢。敗政。孰過於此。而不除戮。憲章安用。請以見事。

徙根剪葉。斥出臺外。庶懲彼將來。謝此衆屈。

音註

①【渭川】〔漢書貨殖傳〕齊魯千畝桑麻，渭川千畝竹。②【淇園】〔史記〕下淇

園之竹以爲楫。〔述異記〕衛有淇園，出竹，詩云，瞻彼淇澳，綠竹猗猗，是也。③【艾

夷蘊崇】艾，音衫，艾夷，刪除之也，蘊崇，積聚也。〔左傳隱六年〕周任有言曰，爲國家

者，見惡如農夫之務去草焉，艾夷蘊崇之，絕其本根，勿使能殖，則善者信矣。④【無使

滋蔓】〔左傳隱元年〕無使滋蔓，蔓，難圖也。⑤【宿漸】宿，素也，漸，音尖，漬也。⑥

【在苒】猶展轉也。〔魏書〕離違清挹，在苒至今。⑦【擢本益尋】八尺曰尋。〔沈約

詠甘蔗詩〕抽葉固盈丈，擢本信兼圍。⑧【階緣寵渥】言漸次荷恩寵也。⑨【銓衡】所

以知輕重之具。〔抱朴子〕銓衡不平，則輕重錯繆，按量材授官，亦曰銓選。⑩【高下

在心】謂刑賞在意也。〔後漢書〕今將軍總皇威，握兵要，龍驤虎步，高下在心。⑪【每

叨天功二句】〔左傳僖二十四年〕竊人之財，猶謂之盜，況貪天之功，以爲己力乎。⑫

【風聞】傳聞也。〔漢書〕風聞老夫父母墳墓已壞削。⑬【籍聽】言聞之數也。⑭【嚴

網】〔曹植鸚鵡賦〕遇旅人之嚴網。⑮【澤蘭】多年生草，每莖一葉，作箭鏃形，基腳

抱莖，夏日葉間抽花莖，莖端各著一花，紅紫色。⑯【萱草】多年生草，葉似菖蒲而柔

狹，花類百合，⑤【杞梓】並木材之美者，⑥【蒿蓬】俱賤草也，⑦【陽景】謂日光也，⑧【巫岫斂雲】山穴曰岫，巫山，在今四川巫山縣東，〔宋玉高唐賦〕妾在巫山之陽，高邱之岨，旦爲朝雲，暮爲行雨，⑨【秦樓開照】〔秦羅敷陌上桑歌〕日出東南隅，照我秦氏樓，⑩【杜若】多年生草，莖高二三寸，葉似蘘荷，夏日中心抽莖尺許，頂端開花，六瓣，色白，⑪【江蘼】藤蕪也，多年生草，莖高尺許，葉爲羽狀複葉，夏開五瓣白色小花，⑫【出自藥草】甘蕉，草類，可入藥，見〔本草〕，⑬【松柏後彫】〔論語〕子曰：歲寒，然後知松柏之後彫也，⑭【葵藿傾陽】〔曹植求通親親表〕葵藿之傾葉太陽，雖不爲之回光，然向之者誠也，⑮【慶會】言時機也，⑯【稱平】〔漢齊黃霸傳〕霸爲廷尉正，數決疑獄，廷尉稱平，⑰【言樹之草】〔詩衛風〕焉得諛草，言樹之背，〔按〕諛草，即萱草也，⑱【忘憂】〔述異記〕萱草，又稱忘憂草，吳中呼爲療愁花，⑲【無絕之芳】〔楚辭〕春蘭兮秋菊，長無絕兮終古，⑳【當門】〔蜀志〕先主將殺張裕，諸葛亮救之，先主曰：芳蘭當門，不得不鋤。

經通天臺奏漢武帝表

〔陳書沈炯傳〕荊州陷，炯爲西魏所虜，魏人甚禮之，炯以母老在東，恆思歸國，嘗獨行經漢武通天

臺，爲表奏之，陳己思歸之意，奏訖，其夜夢有宮禁之所，兵衛甚嚴，炯使以情事陳訴，聞有人言，甚不惜放腳還，幾時可至，少日便與王充等並獲東歸，〔按〕通天

許櫛云漢武開疆開宇宏拓郡縣厥功甚偉而後世以神仙征伐之事概沒其蹟獨此文可稱知己

羈旅二句似悲漢武實則爲陳思歸之意不勝其悽惻也

臺、漢武帝元封二年築在陝西涇陽縣西北甘泉山，今

陳沈炯

臣聞橋山雖掩鼎湖之竈可祠有魯遂荒大庭之迹無泯伏惟陛
 下降德猗蘭纂靈豐谷漢道既登神僊可望射之罘於海浦禮日
 觀而稱功橫中流於汾河指柏梁而高宴何其甚樂豈不然與既
 而運屬上僊道窮晏駕甲帳珠簾一朝零落茂陵玉盃遂出人閒
 凌雲故基與原田而膺膺別風餘趾帶陵阜而芒芒羈旅縲臣能
 不落淚昔承明既厭嚴助東歸駟馬可乘長卿西反恭聞故實竊
 有愚心黍稷非馨敢望徼福但雀臺之弔空愴魏君雍邱之祠未
 光夏后瞻仰煙霞伏增悽戀

音註

①【橋山句】（史記封禪書）北巡朔，還祭黃帝冢橋山，上曰：吾聞黃帝不死，今有

冢何也，或對曰：黃帝已僊，上天，羣臣葬其衣冠，（按）橋山，名子午山，在今陝西中部

縣西北，接甘肅正寧縣界。③【鼎湖句】〔史記封禪書〕黃帝采首山銅，鑄鼎於荆山下，鼎既成，有龍垂胡鬣，下迎黃帝，黃帝上騎，羣臣後宮從上者七十餘人，故後世因名其處曰鼎湖。〔又〕李少君以祠竈穀道卻老方見上，言祠竈則致物，致物而丹砂可化爲黃金，黃金成以爲飲食器，則益壽，益壽而海中蓬萊仙者乃可見，見之以封禪，則不死，黃帝是也，於是天子始親祠竈。④【有魯句】〔詩魯頌〕泰山巖巖，魯邦所詹，奄有龜蒙，遂荒大東。⑤【大庭句】〔左傳昭十八年〕夏五月壬午，宋衛陳鄭皆火，梓慎登大庭氏之庫以望之。〔注〕大庭氏，古國名，在魯城內，魯於其處作庫。⑥【猗闔】〔洞冥記〕漢武帝未誕時，景帝夢一赤彘，從雲中直下，入芳蘭閣，帝覺而坐於閣上，果見赤氣如煙霧，來蔽戶牖，望上有丹霞，翁鬱而起，乃改芳蘭閣爲猗闔殿，後王夫人誕武帝於此殿。⑦【纂靈】纂繼也。〔宋書順帝紀〕襲連金樞，纂靈瑤極。⑧【豐谷】〔陸機漢高祖功臣頌〕龍興泗濱，虎嘯豐谷。〔按〕豐，高祖故居，在今江蘇豐縣。⑨【漢道既登】道，治也，登，成也。⑩【之果】果，音浮，山名，在今山東文登縣西北。〔漢書武帝紀〕太始三年，幸琅邪，禮日成山，登之果，浮大海，山稱萬歲。〔司馬相如子虛賦〕觀乎成山，射乎之罘。⑪【海浦】〔張衡西京賦〕鷲聲振海浦。〔注〕海浦，四瀆之口。〔元

和志〕青州博昌縣海浦，在縣東北八里，即濟水末流入海之處，①【日觀】〔尸子〕泰山上有三峯，東曰日觀，雞鳴時見日出，〔勸進梁元帝表〕臨東溟而禮日觀，②【汾河】〔漢武帝秋風辭〕泛樓船兮濟汾河，橫中流兮揚素波，〔按〕汾河，源出山西寧武縣西南管涔山，曲折西南流，至榮河縣北，入於河，③【柏梁】臺名，在漢未央宮北闕內，〔漢書武帝紀〕元鼎二年春，起柏梁臺，〔三輔黃圖〕帝常置酒柏梁臺上，詔羣臣和詩，④【上僊】〔莊子〕千歲厭世，去而上僊，⑤【晏駕】天子崩曰晏駕，〔史記〕王稽謂范雎曰，宮車一日晏駕，是事之不可知也，⑥【甲帳珠簾】〔漢書西域傳贊〕孝武之世，廣開上林，營千門萬戶之宮，立神明通天之臺，興造甲乙之帳，〔漢武故事〕以白珠爲簾，玳瑁押之，⑦【茂陵玉盃】〔漢書武帝紀〕建元二年，初置茂陵邑，〔注〕武帝自作陵也，本槐里縣之茂鄉，故曰茂陵，〔漢武故事〕鄴縣有一人，於市貨玉杯，吏疑其御物，欲捕之，因忽不見，縣送其器推問，乃茂陵中物也，⑧【凌雲】〔世說〕凌雲臺樓觀精巧，先稱平衆木輕重，然後造構，乃無錙銖相負，〔按〕世說所云，係魏文帝所築，在河南洛陽縣東，此凌雲臺無考，疑亦在建章宮中，⑨【臙臙】音武，士腴美也，〔詩大雅〕周原臙臙，⑩【別風】闕名，〔三輔故事〕建章宮東有折風闕，一名別風，〔張

衡西京賦〕內則別風之嚙曉，⑤〔芒芒〕大貌，〔詩商頌〕宅殷士芒芒，⑥〔羈旅縲臣〕〔左傳莊二十二年〕羈旅之臣，幸若獲宥，及於寬政，〔注〕羈，寄也，旅，客也，〔又僖三十三年〕不以繫臣繫鼓，使歸就戮於秦，〔注〕繫，囚繫也，〔按〕與縲同，⑦〔承明二句〕承明，廡名，在石渠閣外，〔漢書嚴助傳〕助拜爲會稽太守，數年不聞問，上賜書曰，君厭承明之廡，勞待從之事，懷故土，出爲郡吏，⑧〔駟馬二句〕〔成都記〕司馬長卿，成都人，初西去，過昇仙橋，題柱曰，大丈夫不乘駟馬高車，不復過此橋，後爲中郎將，建節使蜀，太守以下郊迎，縣令負弩前驅，⑨〔故實〕〔國語〕樊穆仲曰，賦事行刑，必問於遺訓，而咨於故實，⑩〔愚心〕〔漢書貢禹傳〕臣禹不勝拳拳，不敢不盡愚心，⑪〔黍稷非馨〕〔書酒誥〕黍稷非馨，明德惟馨，⑫〔徵福〕〔左傳昭三年〕徵福於太公，〔注〕徵，要也，⑬〔雀臺二句〕〔魏志〕建安十五年冬，太祖乃於鄴作銅雀臺，〔陸機弔魏武帝文〕登雀臺而羣悲，貯美目其何望，〔按〕館，音創，悲傷也，⑭〔雍邱二句〕〔後漢郡國志〕陳留郡雍邱，本杞國，〔陳留風俗記〕雍邱縣有夏后祠，中有神井，能興雲霧，〔按〕雍邱故城，在今河南杞縣。

樂定奏

隋牛 弘

從遷古至
魏晉歷代
故實約舉
而盡由於
出筆簡淨
故也

使事切合
用陳語如
己出

補彼一筆

點題

臣聞賁桴土鼓。由來斯尚。雷出地奮。著自易經。邃古帝王。經邦馭
物。揖讓而臨天下者。禮樂之謂也。秦焚經典。樂書亡缺。爰至漢興。
始加鳩探祖述。增廣緝成。朝憲魏晉相承。更加討論。沿革之宜。備
於故實。永嘉之後。九服崩離。燕石苻姚。遽據華土。此其戎乎。何必
伊川之上。吾其左袵。無復微管之功。前言往式。於斯而盡。金陵建
社。朝士南奔。帝則皇規。粲然更備於內。原隔絕三百年於茲矣。伏
惟明聖膺期會昌。在運今南征。所獲梁陳樂人。及晉宋旗章。宛然
俱至。曩代所不服者。今悉服之。前朝所未得者。今悉得之。化洽功
成。於是乎在。臣等伏奉明詔。詳定雅樂。博訪知音。旁求儒彥。研校
是非。定其去就。取爲一代正樂。具在本司。

音註

○【黃桴土鼓】黃，音塊，通凶，桴，音浮，擊鼓杖也，〔禮禮運〕黃桴而土鼓，

【雷出地奮】〔易豫卦〕象曰，雷出地奮，豫，先王以作樂崇德，殷薦之上帝，以配祖

考，③【遼古】遼，音粹，遼古也，〔後漢書〕伊考自遼古，④【秦焚經典】〔史記〕秦始皇

皇三十四年，李斯請史官非秦紀皆燒之，非博士官所職，天下敢有藏詩書百家語者，悉

詣守尉雜燒之，所不去者，醫藥卜筮種樹之書，⑤【鳩探】言哀集蒐輯也，〔漢書藝文

志〕漢興，大收篇籍，廣開獻書之路，迄孝武世，書缺簡脫，禮壞樂崩，⑥【沿】同沿，⑦

【永嘉】晉懷帝年號，⑧【九服】〔周禮〕乃辨九服之邦國，方千里曰王畿，其外方

五百里曰侯服，又其外方五百里曰甸服，又其外方五百里曰男服，又其外方五百里曰采

服，又其外方五百里曰衛服，又其外方五百里曰蠻服，又其外方五百里曰夷服，又其外

方五百里曰鎮服，又其外方五百里曰藩服，⑨【燕石苻姚】前燕慕容皝，後慕容容

垂，南燕慕容德，後趙石勒，前秦苻健，後秦姚萇，⑩【其戎二句】〔左傳僖二十二年〕

初，平王之東遷也，辛有適伊川，見被髮而祭於野者，曰，不及百年，此其戎乎，其禮先

亡矣，⑪【左衽二句】〔論語〕微管仲，吾其被髮左衽矣，⑫【金陵】今江蘇江寧縣，

一稱建業，晉愍帝建興四年，漢劉曜陷長安，帝出降，元帝即位於建業，是爲東晉，⑬

【膺】當也、【會昌】（左思劉都賦）天帝運期而會昌、

書牘

奏記詣蔣公

〔晉書阮籍傳〕太尉蔣濟、聞籍有雋才而辟之、籍詣都亭奏記、初、濟恐籍不至、得記、欣然遣卒迎之、而籍已去、濟大怒、於是鄉

觀其喻之、乃就吏、後謝病歸、

晉阮籍

籍死罪死罪。伏以明公以含一之德。據上台之位。羣英翹首。俊賢
抗足開府之日。人人自以爲掾屬。辟書始下。下走爲首。子夏處西
河之上。而文侯擁篲。鄒子居黍谷之陰。而昭王陪乘。夫布衣窮居
韋帶之士。王公大人。所以屈體而下之者。爲道存也。籍無鄒卜之
德。而有其陋。猥見採擢。無以克當。方將耕於東皋之陽。輸黍稷之
稅。以避當塗者之路。負薪疲病。足力不强。補吏之召。非所克堪。乞
迴謬恩。以光是舉。

引鄒卜事
自占身分

篇幅雖短
而氣機流
動絕不板
滯

音註

○【明公】對於有名位者之尊稱，〔後漢書〕孫堅謂張溫曰，明公親帥王師，威振

天下，①【含一】猶純一也，〔晉書帝紀總論〕中林之士，有純一之德，②【上台】〔晉

書天文志〕西近文昌二星曰上台，〔秦階六符經〕中階上星，謂諸侯三公，③【翹

首〕〔易通卦驗〕萬人聞雞鳴皆翹首，④【抗足】抗，舉也，〔左思吳都賦〕將抗足而

跳之，⑤【開府】〔晉書職官志〕開府儀同三司，漢官也，魏黃權以車騎將軍開府儀同

三司，開府之名起於此，⑥【掾屬】屬官通稱，〔通典〕漢有太尉，後改爲大司馬，綏

和初，始置長史一人，掾屬二十四人，⑦【辟書】徵召之書也，〔裴子野碑〕辟書交乎

道路，⑧【下走】自謙之稱，〔漢書蕭望之傳〕若管晏而休，則下走將歸延陵之舉，⑨

【子夏處西河】〔史記仲尼弟子傳〕孔子既歿，子夏居西河教授，爲魏文侯師，〔按〕今

山西汾陽縣北有隱泉山，有石窟曰子夏室，⑩【文侯擁篲】〔史記魏世家〕文侯受子

夏經藝，〔按〕篲，音櫛，帚也，古人迎候尊貴，常擁篲致敬，⑪【鄒子居黍谷】〔劉向

別傳〕燕有谷，寒不生五穀，鄒衍吹律而溫氣至，堪黍，今謂之黍谷，〔按〕黍谷山，在

今京兆密雲縣西南，⑫【昭王陪乘】陪乘，參乘也，〔史記孟子傳〕鄒子如燕，燕昭王

擁篲先驅，請列弟子之座而受業，⑬【韋帶】〔漢書賈山傳〕夫布衣韋帶之士，修身於

內，而成名於外，由【道存】〔孟子〕不下帶而道存焉，⑤【東皋】水田曰皋，〔陶潛歸去來辭〕登東皋以舒嘯，⑥【當塗】〔揚雄解嘲〕當塗者升青雲，失路者委溝渠，⑦【負薪】〔禮曲禮〕君使士射，不能，則辭以疾，言曰某有負薪之憂，⑧【清舉】猶言盛舉，

遺石勒書

〔晉書石勒載記〕初，勒破鄴平原，與母王相失，至是，劉琨遣張儒送王於勒，遺勒書云云，勒報琨曰，事功殊途，非腐儒所聞，君當還節

本朝，吾自夷，難爲效，遺琨名馬珍寶，厚資其使，謝歸以絕之，

晉 劉 琨

數語爲一篇精警處

承附逆是寶

承得主是主

將軍發跡河朔。席捲兗豫。飲馬江淮。折衝漢沔。雖自古名將。未足爲喻。所以攻城而不有其人。略地而不有其土。翕爾雲合。忽復星散。將軍豈知其然哉。存亡決在得主。成敗要在所附。得主則爲義兵。附逆則爲賊衆。義兵雖敗而功業必成。賊衆雖剋而終歸殄滅。昔赤眉黃巾。橫逸宇宙。所以一旦敗亡者。正以兵出無名。聚而爲亂。將軍以天挺之質。威振宇內。擇有德而推崇。隨時望而歸之。動

背聰二句
直捷爽快

言甘而心
苦字字得
體

義堂堂長享遐貴。背聰則禍除。向主則福至。採納往誨。翻然改圖。
 天下不足定。蟻寇不足掃。今相授侍中持節車騎大將軍領護匈
 奴中郎將襄城郡公總內外之任兼華夷之號顯封大郡以表殊
 能將軍其受之副遠近之望也。自古以來誠無戎人以爲帝王者。
 至於名臣建基業者則有之矣。今之遲想蓋以天下大亂當須雄
 才遙聞將軍攻城野戰合於機神雖不視兵書闇與孫吳同契所
 謂生而知之者上學而知之者次但得精騎五千以將軍之才何
 向不摧至心實事皆張儒所具。

音註

○【河朔】黃河以北之地，（魏志袁紹傳）威振河朔，名重天下，（按）石勒、上黨

武鄉羯人，武鄉在今山西榆社縣西，故云，○【兗豫】（晉書地理志）惠帝之末，兗州

閩境，淪沒石勒，永嘉之亂，豫州淪沒石氏，○【江淮】（石勒載記）王如侯脫嚴巖等

起兵江淮間，如懼勒攻襄，與勒結爲兄弟，勒斬脫囚羈，南寇襄陽，攻陷江西，有雄據江漢之志，^(四)【漢河】漢河本一水，漢入江處，謂之河口，即今湖北之漢口，^(五)【翁】音吸，合也，^(六)【赤眉】後漢書劉盆子傳，琅琊人樊崇，起兵於莒，恐其衆與莽兵亂，乃皆朱其眉以相識別，號曰赤眉，^(七)【黃巾】後漢書靈帝紀，中平元年，鉅鹿人張角，自稱黃天，其部師有三十六萬，皆著黃巾，同日反叛，^(八)【天挺】晉書宣帝紀論，宣王以天挺之資，應期受命，^(九)【背廳】背劉聰也，聰字玄明，淵第四子，時聰署勒鎮東大將軍，督并幽二州諸軍事，^(十)【向主】向晉主也，時爲東晉元帝，^(十一)【蟻寇】謂小寇如蟻之聚也，宋書，孟虬蟻寇，必無能爲，^(十二)【侍中】晉書職官志，黃帝時，風后爲侍中，於周爲常伯之任，秦取古名，置侍中，漢因之，魏晉以來置四人，^(十三)【持節車騎大將軍】晉書職官志，驃騎以下，及諸大將軍，非持節都督者，品秩第二，^(十四)【護匈奴中郎將】晉書職官志，四中郎將，並後漢置，歷魏及晉，並有其職，所以護匈奴羌戎蠻夷越者也，^(十五)【襄城郡】治襄城，今河南襄城縣，晉書地理志，豫州襄城郡，縣襄城，繁昌，郟，定陵，父城，昆陽，舞陽，^(十六)【遲想】辛曠贈皇甫謐詩，顛顛朝士，亦孔其依，莫不遲想，載渴載飢，^(十七)【孫吳】孫武吳起也，漢書藝文志，孫子兵法八十二篇，吳起

四十八篇、④【生知二句】見〔禮中庸〕、⑤【張儒】當時奉使之人、爵里未詳、

答盧湛書

〔晉書盧湛傳〕湛字子諒、好老莊、善屬文、洛陽沒、隨父志北依劉琨、〔文選注引王隱晉書〕段匹碑領幽州牧、湛求為匹碑別駕、箋詩

與琨、故有此答、

晉劉琨

先贊來詩已伏末句

哀樂之生非親歷其境者不喻此段慨懷身世抒寫熱忱何等真切詞氣亦復雄厚

琨頓首。損書及詩。備辛酸之苦言。暢經通之遠旨。執玩反覆。不能釋手。慨然以悲。歡然以喜。昔在少壯。未嘗檢括。遠慕老莊之齊物。近嘉阮生之放曠。怪厚薄何從而生。哀樂何繇而至。自頃。張困於逆亂。國破家亡。親友凋殘。塊然獨坐。則哀憤兩集。負杖行吟。則百憂俱至。時復相與舉觴對膝。破涕為笑。排終身之積慘。求數刻之暫歡。譬繇疾疢。彌年而欲一丸銷之。其可得乎。夫才生於世。世實須才。和氏之璧。焉得獨曜於郢。握夜光之珠。何得專玩於隨。掌

回應遠慕
二句作一
頌
喻謙之遇
匹碑

天下之寶固當與天下共之。但分析之日不能不悵恨耳。然後知
聃周之爲虛誕。嗣宗之爲妄作也。昔駮驥倚輶於吳阪。長鳴於良
樂。知與不知也。百里奚愚於虞。而智於秦。遇與不遇也。今君遇之
矣。昂之而已。不復屬意於文。二十餘年矣。久廢則無次。想必欲其
一反。故稱指送一篇。適足以彰來詩之益美耳。現頓首頓首。

音註

①【損】貶損也，意謂不自尊大，而以書詩見寄也。②【辛酸苦言】〔張衡與特進

書〕酸者不能不苦於言。③【經通遠旨】〔董仲舒對策〕天地之常經，古今之通義。④

【執玩】〔宋書張永傳〕永涉獵書史，上每得永表啟，輒執玩咨嗟自歎。⑤【檢括】猶

檢約也。〔晉書周馥傳〕馥有才幹，檢括精詳。⑥【老莊齊物】老莊、老聃莊周也。莊

子有齊物論。⑦【阮生放曠】曠，疎曠也。〔晉書阮籍傳〕籍字嗣宗，放誕不拘禮教。⑧

【厚薄二句】〔列子〕身非愛之所能厚，身亦非輕之所能薄。愛之或不厚，輕之或不

薄，此似反也。自厚自薄，或愛之而厚，或輕之而薄，此似非順也。亦自厚自薄，信命者亡

壽夭，信理者亡是非，信心者亡逆順，信性者亡安危，則謂都亡，所信亡不信，真矣，懇

矣，奚去奚就奚哀奚樂之謂也，^①【輟張】驚懼貌，〔揚雄國三老箴〕負乘覆餗，姦寇

侏張，〔按〕駟，音舟，與侏通，^②【國破】〔崔鴻前趙錄〕劉聰僭位於平陽，又曰，聰

遣從弟曜攻晉，破洛陽，又曰，遣子粲攻長安，陷之，^③【家亡】〔晉書劉琨傳〕聰遣子

粲及令狐泥，乘虛襲晉陽，太原太守高喬，以郡降聰，琨父母並遇害，^④【塊然】孑然

也，〔淮南子〕塊然獨處，^⑤【負杖】〔禮檀弓〕戰于郎，公叔禺人遇負杖入保者息，^⑥

【行吟】〔楚辭〕屈原既放，游於江潭，行吟澤畔，^⑦【百憂】〔詩王風〕我生之後，逢

此百憂，^⑧【疾疢】〔禮樂記〕疾疢不作，而無妖祥，^⑨【彌年】彌，終也，〔後漢書戴

良傳〕再辟司空府，彌年不到，^⑩【一丸】〔論衡〕投一寸之鍼，布一丸之艾，於血脈之

蹊，而篤病有瘳，^⑪【才生二句】〔袁宏三國名臣贊〕才爲世出，世亦須才，^⑫【和氏

璧】〔韓非子〕楚人和氏，抱璧哭於楚山之下，文王使玉人理其璞，而得寶焉，遂命曰和

氏璧，^⑬【郢握】郢人之手握，^⑭【夜光珠】〔高誘淮南子注〕隨侯見大蛇傷斷，以藥

敷而塗之，後蛇於夜中，銜大珠以報之，因曰隨侯之珠，〔南都賦〕隨珠夜光，^⑮【隨

掌】隨侯之手掌，^⑯【聃周】見老莊注，^⑰【鬪索】見阮生注，^⑱【騶驥】駿馬名，騶，音

祿、〔新序〕閻邱邛曰驥驥、天下之駿馬也、①〔倚驛〕驛、驛也、〔張衡思立

賦〕馬倚轉而徘徊、②〔吳坂〕一名吳山、在今山西安邑縣東南、〔戰國策〕楚客謂

春申君曰、昔騏驎駕鹽車上吳坂、遷延負轅、而不能進、遭伯樂、仰而鳴之、知伯樂知己

也、③〔良樂〕王良、伯樂也、④〔百里奚〕春秋虞人、虞亡、事秦穆公、〔漢書〕韓

信謂廣武君曰、僕聞百里奚居處而虞亡、之秦而秦伯、非愚於虞而智於秦、用與不用、聽

與不聽耳、⑤〔勗也〕〔稱指〕指通旨、稱其意旨也、〔漢書孔光傳〕奉使稱

旨、

與趙王倫薦戴淵疏

倫子彝、初封琅邪郡王、咸寧中改封於趙、後作亂、賜死、淵字若思、廣陵人、少好游俠、不拘操行、舉孝廉、累

官豫章太守、加振威將軍、領義軍都督、以討賊功、賜爵秣陵侯、爲王敦所害、

晉陸機

正喻夾寫

許榘云寥
寥數語大
旨已得不

蓋聞繁弱登御、然後高墉之功顯、孤竹在肆、然後降神之曲成、是以高世之主、必假遠邇之器、蘊匱之才、思託大音之和、伏見處士廣陵戴若思、年三十、清沖履道、德量允塞、思理足以研幽、才鑒足以

似後人鋪張揚厲稱過其實以此益見晉人之高結語尤合疏體

以辨物安窮樂志無風塵之慕砥節立行有井渫之潔誠東南之遺寶宰朝之奇璞也若得託迹康衢則能接軌驥驟矚質廊廟必能垂光瓊璫矣惟明公垂神采察不使忠允之言以人而廢

音註

①【繁弱】夏后氏之良弓，〔左傳定四年〕封父之繁弱，②【高塘】小城曰塘，〔易

解卦〕公用射隼於高墉之上，③【孤竹】特生之竹也，〔周禮春官〕孤竹之管，雲和

之琴瑟，④【降神】〔漢書〕太祖迎神於廟門，奏嘉至，猶古降神之樂也，⑤【蘊匱】〔新

語〕道術蓄積而不舒，美玉韞匱而深藏，〔按〕蘊，與韞同，⑥【大音】〔管子〕昔黃帝

以其緩急，作五聲，以正五鐘，其一曰清鐘，大音，⑦【廣陵】郡名，治今江蘇江都

縣，故城在今縣東北，〔漢書地理志〕廣陵，景帝四年，更名江都，⑧【風塵之慕】猶

言世俗之好尚，〔世說〕自然是風塵外物，⑨【井渫】渫，音泄，〔易井卦〕井渫不

食，〔注〕渫，不停汙之謂也，⑩【奇璞】璞，玉之未理者，〔司馬彪贈山濤詩〕卞和潛

幽冥，誰能證奇璞，⑪【康衢】大路也，四達曰衢，五達曰康，〔列子〕堯治天下五十

年，微服游於康衢，⑫【驥驟】赤驥，驟耳，並周穆王之良馬，〔魏文帝典論〕咸以自騁

驥驟於千里，仰齊足而並馳。⑤【廊廟】猶言朝廷，〔後漢書〕以經術見優者布在廊廟。⑥【瓊璠】音余煩，春秋時魯之寶玉，〔左傳〕陽虎將以瓊璠斂，仲梁懷弗與。⑦

【言以人廢】〔論語〕君子不以言舉人，不以人廢言。

與吏部郎謝萬書

萬字萬石，安弟，才氣儵秀，雖器量不及安，而善自銜曜，故早有時譽，羲之既去官，與東土人士，盡山水之遊，弋釣爲

娛，優游無事，與萬書云云。

晉王羲之

伏下得意
二字

述垂戒子
孫數語意
在兼諷謝
萬觀頓句
可知

古之辭世者。或被髮佯狂。或汚身穢跡。可謂艱矣。今僕坐而獲免。遂其宿心。其爲慶幸。豈非天賜。違天不祥。頃東游還。修植桑果。今盛敷榮。率諸子抱弱孫。游觀其間。有一味之甘。割而分之。以娛目前。雖植德無殊。邈猶欲教養子孫。以敦厚退讓。戒以輕薄。庶令舉策數焉。彷彿萬石之風。君謂此何如。比當與安石東游山海。并行田視地利。願養閑曠。衣食之餘。欲與親知時共歡讌。雖不能興言。

文之恬適
如其人品

高詠銜杯引滿語田里所行故以爲撫掌之資其爲得意可勝言
耶常依陸賈班嗣楊王孫之處世甚欲希風數子老夫志願盡於
此矣。

音註

①【被髮佯狂】謂箕子也，〔史記宋世家〕紂爲淫泆，箕子諫不聽，乃被髮佯狂而爲奴，②【污身穢跡】謂如趙之毛公薛公，〔史記信陵君傳〕公子聞趙有處士毛公藏於博徒，薛公藏於賣漿家，乃間步往從此兩人遊，③【宿心】猶素心也，〔嵇康詩〕內負宿心，外愬良朋，④【敷榮】花開放也，⑤【殊邈】殊，過，邈，遠也，⑥【舉策二句】策，馬策也，〔漢書石奮傳〕慶爲太僕，御出，上問車中幾馬，慶以策數馬，舉手曰，六馬，〔按〕奮與四子皆二千石，號奮爲萬石君，⑦【安石】謝安字也，⑧【顧養】顧，卽養也，〔後漢書〕所以平和府藏，頤養精神，⑨【銜杯】〔司馬遷報任少卿書〕未嘗銜杯酒接殷勤之歡，⑩【引滿】引取滿杯也，〔漢書敘傳〕引滿舉白，⑪【撫掌】〔魏志武帝紀注〕公聞許攸至，跳出迎之，撫掌笑曰，子遠遠來，吾事濟矣，⑫【陸賈】〔漢書陸賈傳〕孝惠時，呂太后用事，賈自度不能爭，迺病免，以好時田地善，往家焉，有五男，乃出

所使越橐中裝，賣千金，分其子，子二百金，令爲生產。^①【班嗣】〔漢書敘傳〕旂有子曰嗣，顯名當世，嗣雖修儒學，然貴老嚴之術，桓生欲借其書，嗣報曰，今吾子已貫仁義之羈絆，繫名聲之縲，伏周孔之軌躅，馳顏閔之極塾，既繫繫於世教矣，何用大道，自爲眩曜，昔有學步於邯鄲者，曾未得髣髴，又復失其故步，遂匍匐而歸耳，恐似此類，故不進，（按）旂，班彪世父，老嚴者，老聃莊周也，漢避明帝諱，故改莊爲嚴，桓生名譚，著書號新論，^②【楊王孫】〔漢書楊王孫傳〕王孫，孝武時人，學黃老之術，家業千金，厚自奉養生，無所不致，及病且終，先令其子曰，吾欲羸葬，以反吾真，死則爲布囊盛尸，入地七尺，既下，從足引脫其囊，以身親土，^③【希風】謂想慕其風尚也，〔後漢書黨錮傳〕海內希風之流，遂共相標榜，^④【老夫】〔禮曲禮〕大夫七十而致事，自稱曰老夫，

與子儼等疏

晉陶潛

告儼，侯，侯，侯，天地賦命，生必有死，自古賢聖，誰能獨免，子夏有言，死生有命，富貴在天，四友之人，親受音旨，發斯談者，將非窮達不可妄求，壽夭永無外請，故耶，吾年過五十，少而窮苦，每以家敝。

與子書多
失之直率
此獨雅質
可喜

此段自寫
性靈隨筆
所至皆成
妙諦

末段勉以
友愛並引

東。西。游。走。性。剛。才。拙。與。物。多。忤。自。量。爲。己。必。貽。俗。患。僂。俛。辭。世。使
汝。等。幼。而。饑。寒。余。嘗。感。孺。仲。賢。妻。之。言。敗。絮。自。擁。何。慙。兒。子。此。既
一。事。矣。但。恨。鄉。靡。二。仲。室。無。萊。婦。抱。茲。苦。心。良。獨。內。愧。少。學。琴。書
偶。愛。閒。靜。開。卷。有。得。便。欣。然。忘。食。見。樹。木。交。蔭。時。鳥。變。聲。亦。復。歡
然。有。喜。常。言。五。六。月。中。北。窗。下。臥。遇。涼。風。暫。至。自。謂。是。羲。皇。上。人
意。淺。識。罕。謂。斯。言。可。保。日。月。遂。往。機。巧。遂。疎。繩。求。在。昔。眇。然。如。何
病。患。以。來。漸。就。衰。損。親。舊。不。遺。每。以。藥。石。見。救。自。恐。大。分。將。有。限
也。汝。輩。稚。小。家。貧。每。役。柴。水。之。勞。何。時。可。免。念。之。在。心。若。何。可。言
然。汝。等。雖。不。同。生。當。思。四。海。皆。兄。弟。之。義。鮑。叔。管。仲。分。財。無。猜。歸
生。伍。舉。班。荆。道。舊。遂。能。以。敗。爲。成。因。喪。立。功。他。人。尙。爾。況。同。父。之

古人爲證
自是正文

人哉。穎川韓元長。漢末名士。身處鄉佐。八十而終。兄弟同居。至於沒齒。濟北汜稚春。晉時操行人也。七世同財。家人無怨色。詩曰：高山仰止。景行行止。雖不能爾。至心尙之。汝其慎哉。吾復何言。

書註

○【儼俟份佚佟】五子之名，（按）淵明責子詩，稱舒宜雍端通者，舒即儼，宜即

侯，雍即份，端即佚，通即佟也，份古彬字，佟音彤，○【死生二句】見《論語》，○【四

友】（孔叢子）顏子，子貢，子路，子張，謂之四友，○【儼俛】強勉也，與阻勉同，○【

蕭仲妻】蕭仲，王霸字也，（後漢書王霸妻傳）霸少立高節，妻亦美志行，霸見故人子

容服甚光，慙其子蓬髮歷齒，未知禮則，妻曰，奈何忘宿志，而慚兒女子乎，霸起而笑

曰，有是哉，遂共終身隱遁，○【靡】無也，○【二仲】羊仲求仲也，○【三輔決錄】蔣詡

字元卿，舍中三徑，惟羊仲求仲從之游，○【萊婦】老萊子妻也，（皇貴謚高士傳）老萊

子者，楚人也，耕於蒙山之陽，楚王駕至萊子之門，萊子方織畚，王曰，守國之政，孤願煩

先生，萊子曰諾，其妻樵還，曰，妾聞之，可食以酒肉者，可隨而鞭捶，可擬以官祿者，可

隨而鈇鉞，妾不能爲人所制，投其畚而去，萊子亦隨其妻至於江南，○【義皇】（帝

王世紀〕太昊帝庖羲氏，風姓也，有聖德，都陳，取犧牲以充庖廚，是爲犧皇，①【糲】米
濱切，藜遠也，②【眇】同渺，③【大分】猶大數也，④【不同生】謂非一母所
生，⑤【四海句】〔論語〕四海之內，皆兄弟也，⑥【分財句】〔史記管晏傳〕管仲
曰：吾始困時，嘗與鮑叔賈，分財利，多自與，鮑叔不以我爲貪，知我貧也，⑦【班荆
句】〔左傳襄二十六年〕初，楚伍參與蔡太師子朝友，其子伍舉，與聲子相善也，伍舉奔
鄭，將遂奔晉，聲子將如晉，遇之於鄭郊，班荆相與食，而言復故，〔疏〕聲子，蔡公孫歸
生也，⑧【以敗爲成】指管仲脫囚相齊言，⑨【因喪立功】喪，去聲，失位也，指伍舉歸
楚復位言，⑩【韓元良】〔後漢書韓詔傳〕詔，潁川舞陽人，子融，字元長，少能辨理，而
不爲章句學，聲名甚盛，五府並辟，獻帝初，至太僕，年七十卒，⑪【汜稚春】汜，音
凡，〔晉書儒林傳〕汜毓字稚春，濟北盧人也，奕世儒素，敦睦九族，客居青州，遠毓
七世，時人號其家兒無常父，衣無常主，⑫【高山二句】見〔詩小雅〕

北山移文

北山，鍾山也，在今江蘇江寧縣東北，其先周顒隱此，後應詔出爲海
鹽令，秩滿入京，欲卻過此山，孔乃假山靈遂移之，使不得再至，

南齊孔稚珪

許楨云此
六朝中極

雕繪之作
鍊格鍊詞

語語精關
其妙處尤

在數虛字
旋轉得法

當與徐孝
穆玉臺新

詠序並為
唐人軌範

點周子

生縱語不

易摹擬

應先貞

鍾山之英草堂之靈馳煙驛路勒移山庭夫以耿介拔俗之標蕭

灑出塵之想度白雪以方絜干青雲而直上吾方知之矣若其亭

亭物表皎皎霞外芥千金而不盼屣萬乘其如脫聞鳳吹於洛浦

值雜歌於延瀨固亦有焉豈期終始參差蒼黃翻覆淚翟子之悲

慟朱公之哭乍迴迹以心染或先貞而後贖何其謬哉嗚呼尙生

不存仲氏既往山阿寂寥千載誰賞世有周子儁俗之士既文既

博亦玄亦史然而學遁東魯習隱南郭偶吹草堂濫巾北岳誘我

松桂欺我雲壑雖假容於江皋乃櫻情於好爵其始至也將欲排

巢父拉許由傲百氏蔑王侯風情張日霜氣橫秋或歎幽人長往

或怨王孫不游談空空於釋部覈玄玄於道流務光何足比涓子

應後覽

極寫烜赫
愈覺可憐

王介甫喜
誦此四語
以爲奇絕

不能儔。及其鳴騶入谷。鶴書赴隴。形馳魄散。志變神動。爾乃眉軒
席次。袂簪筵上。焚芟製而裂荷衣。抗塵容而走俗狀。風雲懷其帶。
憤石泉咽而下。愴望林巒而有失。顧草木而如喪。至其紐金章。縮
墨綬。跨屬城之雄冠。百里之首張。英風於海甸。馳妙譽於浙右。道
軼長殞。法筵久埋。敲扑諠囂。犯其虛牒。訴倅僂裝。其懷琴歌。既斷
酒賦。無續常綢繆。於結課每紛紜。於折獄籠張。趙於往圖。架卓魯
於前籛。希蹤三輔。毫馳聲九州。牧使我高霞孤映。明月獨舉。青松
落陰。白雲誰借。磻戶摧絕。無與歸石。逕荒涼。徒延佇。至於還廳。入
幕。寫霧出楹。蕙帳空兮。夜鶴怨山人。去兮。曉猿驚昔聞。投簪逸海
岸。今見解蘭縛。塵纓於是。南岳獻嘲。北隴騰笑。列壑爭譏。攢峰竦

鏤心刻骨
極意形容
字字未經
人道

勤移正面
仍從山靈
著想

誚慨游子之我欺。悲無人以赴弔。故其林慙無盡。澗媿不歇。秋桂
遣風春蘿。能月騁西山之逸議。馳東臯之素謁。今又促裝下邑。浪
拽上京。雖情殷於魏闕。或假步於山扃。豈可使芳杜厚顏。薜荔蒙
恥。碧嶺再辱。丹崖重滓。塵游躅於蕙路。汗淥池以洗耳。宜扁岫幌
掩雲關。斂輕霧。藏鳴湍。截來轅於谷口。杜妄轡於郊端。於是叢條
曠瞻。疊穎怒魄。或飛柯以折輪。乍低枝而埽迹。請迴俗士駕。爲君
謝逋客。

音註

①【草堂】〔梁簡文帝草堂傳〕汝南周顒，昔經在蜀，以蜀草堂寺林壑可懷，乃於
鍾嶺雷次宗學館立寺，因名草堂，亦號山茨。②【耿介】志節不苟也，〔楚辭〕獨耿介
而不隨。③【拔俗】出於凡俗之上也，〔後漢書〕至人能變，達士拔俗。④【蕭灑】態
度不俗也，〔南史〕俄而漁父至，神韻蕭灑。⑤【出塵】〔莊子〕孔子彷徨塵垢之外，逍

遙無爲之業、⊕【白雪句】絮、同潔、〔孟子〕白雪之白也、猶白玉之白也、⊕【青雲句】〔司馬相如子虛賦〕上干青雲、⊕【亭亭】聳立貌、〔世說〕孝伯亭亭直上、⊕【皎皎】明也、〔南史蕭思話傳〕所至雖無皎皎清節、亦無穢黷之累、⊕【芥千金句】謂視千金猶草芥也、〔史記〕平原君以千金爲魯連壽、魯連笑曰、所貴於天下之士者、爲人排患釋難解紛而不取也、即有取者、是商賈之事、而連不忍爲也、遂辭平原君而去、⊕【歷萬乘句】〔淮南子〕堯年衰志闕、舉天下而傳之舜、猶卻行而脫屣也、⊕【鳳吹洛浦】〔列仙傳〕王子喬、周宣王太子晉也、好吹笙、作鳳鳴、遊伊洛之間、久之仙去、⊕【薪歌延瀨】〔呂向注〕蘇門先生遊於延瀨、見一人採薪、謂之曰、子以此終乎、採薪人曰、吾聞聖人無懷、以道德爲心、何怪乎而爲哀也、遂爲歌二章而去、⊕【翟子朱公】翟、墨翟、朱、楊朱也、〔淮南子〕楊子見歧路而哭之、爲其可以南、可以北、墨子見練絲而泣之、爲其可以黃、可以黑、⊕【躡】垢也、⊕【尚生】〔後漢書逸民傳〕向長、字子平、河內朝歌人、隱居不仕、性尚中和、好通老易、建武中、男女娶嫁既畢、遂與北海禽慶俱遊五嶽名山、不知所終、〔按〕高士傳、向作尙、⊕【仲氏】〔後漢書仲長統傳〕字公理、山陽高平人、性儻、敢直言、不矜小節、默然無常、每州郡命召、輒稱疾不

就、㊶【山阿】山曲也，〔楚辭〕若有人兮山之阿、㊷【儻俗】流俗中之卓特者、㊸【舉遁東魯】〔莊子〕魯君問顏闔得道人也，使人以幣先焉，顏闔守陋闔，使者至，曰，此顏闔之家與，顏闔對曰，此闔之家，使者致幣，顏闔對曰，恐聽謬而遣使者罪，不若審之，使者反審之，復來求之，則不得矣、㊹【習隱南郭】〔莊子〕南郭子綦隱几而坐，仰天而噓，嚅焉似喪其耦、㊺【偶吹】偶，猶同也，〔韓非子〕齊宣王使吹竽，必三百人，南郭處士請爲王吹竽，宣王說之，廩食以數百人，宣王死，湣王立，好一一聽之，處士逃、㊻【濫巾】巾，隱者之飾也，〔東觀漢記〕江革專心養母，幅巾屣屣、㊼【假容】飾爲隱者之形容、㊽【江皋】皋，澤也，〔楚辭〕朝馳騫兮江皋、㊾【摠情】猶繫情也、㊿【好爵】〔易中孚〕我有好爵，吾與爾靡之、㊶【巢父許由】並堯時隱士，〔皇甫謐高士傳〕許由，字武仲，陽城槐里人，耕於潁水之陽，堯召爲九州長，由不欲聞之，洗耳於潁水濱，時有巢父牽犢欲飲之，見由洗耳，問其故，由告之，巢父曰，汚我犢口，牽犢上流飲之、㊶【蔑】小也，〔法言〕視日月而知衆星之蔑、㊷【風情二句】張，去聲，狀其興之高，氣之老也、㊸【幽人句】〔易履卦〕幽人貞吉，〔潘岳西征賦〕誤山潛之逸士，悼長往而不反、㊹【王孫句】〔楚辭〕王孫遊兮不歸，春草生兮萋萋、㊺【釋部】內

典也，〔南齊書周顒傳〕顒汎涉百家，長於佛理，著三宗論，兼喜老易，^㉔〔道流〕〔漢書藝文志〕道家者流，出於史官，歷記成敗存亡禍福古今之道也，^㉕〔務光〕〔列仙傳〕務光，夏時人，殷湯伐桀，因光而謀，光曰，非吾事也，湯得天下，已而讓光，光不受而自匿，^㉖〔涓子〕〔列仙傳〕涓子者，齊人也，好餌朮，隱於宕山，^㉗〔鳴騶〕〔南史到溉傳〕溉性不好交游，唯與朱異、劉之遴、張縉、同志友密，及臥疾，門可羅雀，唯三人每歲時恆鳴騶枉道，以相存問，^㉘〔鶴書〕〔古今篆隸文體〕鶴頭書與偃波書，俱詔版所用，在漢則謂之尺一簡，髣髴鶴頭，故有其稱，^㉙〔眉軒〕猶言揚眉，^㉚〔菱製荷衣〕〔楚辭〕製菱荷以爲衣，集芙蓉以爲裳，^㉛〔喪〕去聲，失也，^㉜〔紐金章〕紐，係也，金章，銅印也，^㉝〔綰墨綬〕綰，繫也，〔漢書〕秩六百石以上，皆銅印墨綬，^㉞〔屬城之雄〕言海鹽爲諸城之長，^㉟〔百里之首〕猶言一邑之長也，〔漢書〕縣大率百里，^㊱〔海甸〕郊外曰甸，海鹽濱海故云，^㊲〔浙右〕浙江之右，^㊳〔道帙〕帙，書衣也，^㊴〔法筵〕說法之坐席也，〔楞嚴經〕法筵清衆，得未曾有，^㊵〔敲扑〕〔賈誼過秦論〕執敲扑以鞭笞天下，^㊶〔牒訴〕官府移文曰牒，辭訟曰訴，^㊷〔倥傯〕忙迫之狀，〔楚辭〕悲余生之無歡兮，愁倥傯於山陸，^㊸〔裝〕滿也，^㊹〔琴歌〕〔後漢書

馬融傳〕融所著賦頌碑誄書記表奏七言琴歌對策遺令，凡二十一篇，㊶【酒賦】〔曹植酒賦序〕余覽揚雄酒賦，辭其瓌璋，頗戲而不雅，乃作酒賦，粗究其終始，㊷【綢繆】猶纏綿也，㊸【結課】課，築也，謂考成之次第，㊹【紛紜】衆多也，㊺【折獄】斷獄也，〔論語〕片言可以折獄者，其由也與，㊻【張趙】張敞，趙廣漢也，〔漢書張敞傳〕爲京兆尹，市無偷盜，〔又趙廣漢傳〕爲陽翟令，以治行尤異，遷京輔都尉，㊼【卓魯】卓茂，魯恭也，〔後漢書卓茂傳〕遷密令，視人如子，吏人親愛，而不忍欺之，〔又魯恭傳〕拜中牟令，螟傷稼，犬牙緣界，不入中牟，㊽【三輔】漢以京兆，左馮翊，右扶風爲三輔，今陝西關中道之地，㊾【九州牧】州長曰牧，〔左傳宣三年〕夏之方有德也，遠方圖物，貢金九牧，㊿【闢戶】闢，通濶，山夾水曰闢，㊽【延佇】久立也，〔楚辭〕結桂枝兮延佇，㊾【還颺】迴風也，〔曹植詩〕何意迴颺舉，吹我入雲中，㊿【寫露】寫，傾也，㊽【蕙帳】以蕙作帳也，㊾【投簪】棄官而隱也，〔左思招隱詩〕躊躇足力煩，聊欲投吾簪，㊿【解蘭】蘭，蘭佩也，〔楚辭〕緜秋蘭以爲佩，㊽【攢】徂完切，聚也，㊾【西山】〔史記伯夷傳〕登彼西山兮，採其薇矣，㊿【東臯】〔阮籍奏記〕方將耕於東臯之陽，㊽【謁】告也，㊾【促裝】急治行具也，〔晉書郭璞傳〕璞行至廬

江，將促裝去之，⊗【下邑】謂海鹽也，⊗【浪棧】汴猶鼓也，棧，楫也，〔楚辭〕漁父鼓棧而去，⊗【上京】謂建康也，⊗【魏闕】〔呂氏春秋〕中山公子牟謂儻子曰，身在江海之上，心居魏闕之下，〔注〕魏闕，象魏也，⊗【山扃】扃，外閉之闕也，⊗【芳杜】杜若也，〔楚辭〕採芳洲兮杜若，⊗【薜荔】一名木蓮，〔楚辭〕披薜荔兮帶女蘿，⊗【萍】音緇，汙也，⊗【岫幌雲關】幌，帷幔也，〔戴延之西征記〕桐君祠，乃戴顛飛仙之地，予作招仙祠，歌而招之曰，巖壑寂兮松桂閒，不拂岫幌兮開雲關，⊗【鳴湍】〔漢書注〕急流曰湍，⊗【條】樹枝也，⊗【瞋】怒目也，⊗【穎】草穗也，⊗【謝】〔漢書注〕以辭相告曰謝，⊗【逋客】〔山堂肆考〕逋客，避世之隱者也，

辭隨王子隆牋

隨郡王子隆，字雲興，武帝第八子，有文才，爲都督荊州刺史，朏爲隨王鎮西功曹，轉文學，尤被賞愛，長史王秀之以朏年

少相勳，欲以啟聞，朏知之，因事求還，道中爲詩寄西府，仍除新安王中軍記室，朏牋辭云云，

南齊謝朏

故吏文學謝朏死罪死罪。即日被尙書召以朏補中軍新安王記室參軍。朏聞潢汙之水願朝宗而每竭。鴛鴦之乘希沃若而中疲。

許慎云通
驚情思短
妙絕去粉

飾肥醴之
習使覺濃
古有餘味

翫者二句
風致絕佳

勁氣不竭

姿采幽茂

古力蟠注
乃六朝人

眞實本領

何則。舉壤搖落對之惆悵。歧路西東。或以歎。況乃服義徒擁。歸
志莫從。邈若墜雨。翩似秋華。眺實庸流行。能無算屬。天地休明。山
川受納。褒采一介。抽揚小善。故舍耒場。圃奉筆兔園。東亂三。江西
浮七澤。契闊戎旃。從容讌語。長裾日曳。後乘載脂。榮立府庭。恩加
顏色。沐髮晞陽。未測涯涘。撫臆論報。早誓肌骨。不寤滄溟。未運波
臣。自蕩渤澥。方春旅。翻先謝清切。藩房寂寥。舊華輕舟。反溯弔影。
獨留白雲在天。龍門不見去。德滋永思。德滋深唯。待青江可望。候
歸。艤於春渚。朱邸方開。效蓬心於秋實。如其簪履。或存衽席。無改
雖復身填溝壑。猶望妻子知歸。攬涕告辭。悲來橫集。不任犬馬之
誠。

音註

○【潢汗】潢、音黃，畜小水謂之潢，水不流謂之汗，〔左傳隱三年〕潢汗行潦之水，②【朝宗】〔書禹貢〕江漢朝宗於海，③【鴛蹇】〔漢書敘傳〕鴛蹇之乘，不聘千里之塗，④【沃若】調柔也，〔詩小雅〕我馬維賂，六轡沃若，⑤【皋壤】〔莊子〕山林與，皋壤與，使我欣欣然而樂與，樂未畢也，哀又繼之，⑥【搖落】〔楚辭〕悲夫秋之爲氣也，蕭瑟兮草木搖落而變衰，⑦【惆悵】悲哀也，〔楚辭〕惆悵兮而私自憐，⑧【歧路】二達謂之歧，〔列子〕楊子之鄰人亡羊，既率其黨，又請楊子之豎追之，楊子曰，嘻，亡一羊，何追者之衆，鄰人曰，多歧路，即反，問獲羊乎，曰，亡之矣，曰，奚亡之，曰，歧路之中，又有歧焉，吾不知所之，所以反也，⑨【歔噓】音鴛過，失聲也，〔淮南子〕雍門子撫心發聲，孟嘗君爲之增歔歔噓，⑩【服義二句】言徒抱服義之情，莫能遂其歸志也，〔楚辭〕身服義而未沫，〔儀禮注〕擁，抱也，〔孟子〕予浩然有歸志，⑪【墜雨】〔論衡〕雲散水墜，成爲雨矣，⑫【秋蒂】〔郭璞游仙詩〕在世無千月，命如秋葉蒂，⑬【無算】不足數也，〔論語〕斗筭之人，何足算也，⑭【天地二句】天地喻帝，山川喻王，〔左傳宣十五年〕川澤納汗，山藪藏疾，⑮【一介】〔書秦誓〕如有

一介臣，⑯【小善】〔蔡邕玄表賦〕庶小善之有益，⑰【場圃】〔詩邶風〕九月築場

圃、㊶【兔園】一名梁苑，在河南商邱縣治東，〔西京雜記〕梁孝王好宮室苑圃之樂，築兔園，㊷【三江二句】〔齊書〕隨王子隆爲東中郎將，會稽太守，後遷鎮西將軍，荊州刺史，三江，越境也，七澤，楚境也，〔書傳〕正絕流曰亂，〔書禹貢〕三江既入，震澤底定，〔楚辭〕過夏首而西浮，〔司馬相如子虛賦〕臣聞楚有七澤，㊸【契闊】契，同挈，勤苦也，〔詩邶風〕死生契闊，㊹【戎旃】猶言戎幕也，〔周禮〕九旗，通帛曰旃，㊺【長裾曳】〔鄒陽上書〕何王之門不可曳長裾乎，㊻【後車】〔魏文帝與吳質書〕文學託乘於後車，㊼【載脂】用以利物曰脂，〔詩衛風〕載脂載牽，㊽【沐髮晞陽】〔楚辭〕朝濯髮於湯谷兮，夕晞余身乎九陽，〔按〕晞，乾也，㊾【撫臆】臆，胸臆也，〔陸機連珠〕撫臆論心，㊿【肌骨】〔曹植責躬表〕抱聲歸蕃，刻肌刻骨，㊽【滄溟四句】不寤，猶不意也，滄溟，海也，〔莊子〕鯤化而爲鳥，其名曰鵬，海運則將徙於南溟，〔又〕周顧視車轍中，有鮒魚焉，曰，我東海之波臣也，君豈有升斗之水活我哉，渤澥，海之別支，澥，音蟹，〔揚雄解嘲〕若江湖之魚，渤澥之鳥，〔按〕滄溟渤澥，喻王，波臣旅翩，自喻也，㊿【清切】〔劉楨詩〕拘限清切禁，中情何由宣，㊽【舊蕪】蕪，同筆，荊竹也，〔禮儒行〕筆門圭竅，㊾【弔影】〔曹植責躬表〕形影相弔，㊿【白雲在天】〔穆

天子傳〕西王母爲天子謠曰、白雲在天、山陵自出、道路悠遠、山川間之、將子無死、尙復能來、㊟【龍門不見】〔楚辭〕過夏首而西浮、顧龍門而不見、〔王逸注〕龍門、楚東門也、㊟【去德二句】〔莊子〕徐無鬼謂女商曰、子不聞夫越之流人乎、去國數日、見其所知而喜、去國旬日、見所常見於國中而喜、及朞年也、見似人者而喜矣、不亦去人滋久者、思人滋深乎、㊟【青江二句】言冀王入朝、而已候於江渚也、〔謝靈運詩〕笳鳴發表渚、㊟【朱邸】〔史記〕諸侯朝天子、於天子之所立舍曰邸、諸侯朱戶、故曰朱邸、㊟【蓬心】〔莊子〕莊子謂惠子曰、夫子拙於用大、則夫子猶有蓬之心也夫、㊟【秋實】〔魏志邢顛傳〕採庶子之春華、忘家丞之秋實、㊟【躡履或在】〔韓詩外傳〕婦人刈著薪而失簪、哭甚哀、〔賈子〕楚昭王亡其躡履、已行三十步、復還取之、〔按〕此言不忘舊也、㊟【衽席】〔韓非子〕文公至河、令席蓆捐之、咎犯聞之曰、席蓆所以臥也、而君棄之、臣不勝其哀、〔周禮注〕衽席、乃單席也、㊟【身填溝壑】〔列女傳〕梁高行曰、妾夫不幸早死、先狗馬填溝壑、㊟【妻子知歸】〔東觀漢記〕張湛謂朱暉曰、願以妻子託朱生、㊟【攬涕】〔楚辭〕思美人兮、攬涕而竚胎、㊟【橫集】〔楚辭〕涕橫集而成行、〔漢書〕中山靖王曰、不知涕泣之橫集、

自逃爲貧
而仕並無
奢望但按
之史乘所
載似非由
衷之言

不事雕飾
而氣自渾
樸

與徐勉書

勉字修仁東海郟人天監初官尚書吏部郎參掌大選時約久處端揆有志台司而帝不用求外出又不許與勉素善遂以書陳情勉

爲言於高祖請三司之儀弗許但加鼓吹而已

梁沈約

吾弱年孤苦。傍無莽屬。往者將墜於地。契闊屯遭。困於朝夕。崎嶇
薄宦。事非爲己。望得小祿。傍此東歸。歲逾十稔。方忝襄陽縣公私
情計。非所了具。以身資物。不得不任人事。永明末。出守東陽。意在
止足。而建武肇運。人世膠加。一去不還。行之未易。及昏猜之始。王
政多門。因此謀退。庶幾可果。託卿布懷於徐。令想記未忘。聖道聿
興。謬逢嘉運。往志宿心。復成乖爽。今歲開元。禮年云至。懸車之請。
事由恩奪。誠不能弘。宣風政光。闡朝獻。尙欲討尋文簿。時議同異。
而開年以來。病增慮切。當由生靈有限。勞役過差。總此凋竭。歸之。

尋常述病
體語亦復
工雅絕倫

暮年牽策行止努力祇事外觀傍覽尙似全人而形體力用不相
綜攝常須過自束持方可僂俛解衣一臥支體不復相關上熱下
冷月增日篤取煖則煩加寒必利後差不及前差後劇必甚前劇
百日數旬革帶常應移孔以手握臂率計月小半分以此推算豈
能支久若此不休日復一日將貽聖主不追之恨冒欲表聞乞歸
老之秩若天假其年還得平健才力所堪惟思是策

音註

①【弱年孤苦】〔梁書本傳〕少時孤貧，丐於崇黨，得米數百斛，爲宗人所侮，覆米

而去，②【契闊】見上篇，

③【屯遭】難行不進貌，〔易屯卦〕屯如遭如，④【崎

嶇】喻困難也，〔史記〕崎嶇強國之間，⑤【稔】音枉，年也，⑥【襄陽】縣名，今湖北

襄陽縣，〔本傳〕齊初爲征虜記室，帶襄陽令，⑦【永明】齊武帝年號，⑧【東陽】郡

名，治今浙江金華縣，〔本傳〕隆昌元年，除吏部郎，出爲東陽太守，⑨【建武】齊明

帝年號，①【膠加】戾也，〔楚辭〕何況一國之事兮，亦多端而膠加，〔橋康卜疑集〕世俗膠加，人情萬端，②【一去二句】言雖欲潔身自退，不可得也，③【昏猜之始】謂齊東昏侯初立也，④【王政多門】〔左傳昭十三年〕子產曰，晉政多門，〔按〕時壁倖之臣，梅蟲兒茹法珍擅權，故云，⑤【徐令】徐孝嗣也〔本傳〕明帝崩，尙書令徐孝嗣使約撰遺詔，遷左衛將軍，永元二年，以母老表求解職，⑥【聖道事興】謂梁武帝受禪也，⑦【禮年】禮曲禮〕大夫七十而致事，⑧【懸車】漢書敘傳〕身修國治，致仕懸車，⑨【事由恩奪】言感負深恩，不以致仕請也，⑩【風政】〔北史獻文六王傳〕顯以數千之衆，轉戰屢寇，據有郡邑，號令自己，天下人情，想望風政，⑪【文簿】〔晉書苟晞傳〕晞練於官事，文簿盈積，斷決如流，⑫【開年】〔庾信行南山銘〕開年寒盡，正月遊春，⑬【生靈】猶言生命，⑭【綜攝】綜，總也，攝，兼也，⑮【差】病小愈也，⑯【劇】病甚也，〔論衡〕微病恆醫皆巧，篤劇扁鵲乃良，⑰【革帶移孔】言腰漸瘦，則帶圍亦漸收縮也。

與陳伯之書

伯之，濟陰隴陵人，齊東昏時，積戰功至江州刺史，據尋陽，以拒梁武，郢城平，武帝使說伯之，即以爲江州刺史，及帝遣人代別，鄧繕，伯之不受命，遂詐爲蕭寶寅書以反，兵敗奔魏，魏以爲平南將軍，天監四年，臨川王宏北討，使遲爲書與伯之，伯之得書，乃於壽陽擁衆歸梁。

梁邱遲

極贊其功
高望重反
褻視顏事
虜開口已
握驪珠
聖朝以下
分四層說
皆娓娓動
聽
寬待罪人
一層

遲頓首。陳將軍足下。無恙。幸甚幸甚。將軍勇冠三軍。才爲世出。棄
燕雀之小志。慕鴻鵠以高翔。昔因機變化。遭遇明主。立功立事。開
國承家。朱輪華轂。擁旄萬里。何其壯也。如何一旦爲奔亡之虜。聞
鳴鏑而股戰。對穹廬以屈膝。又何劣耶。尋君去就之際。非有他故。
直以不能內審諸己。外受流言。沈迷猖獗。以至於此。聖朝赦罪責
功。棄瑕錄用。推赤心於天下。安反側於萬物。此將軍之所知。非假
僕一二談也。朱鮪喋血於友于。張繡剗刃於愛子。漢主不以爲疑。
魏君待之若舊。况將軍無昔人之罪。而勳重於當代。夫迷途知反。
往哲是與。不遠而復。先典攸高。主上屈法申恩。吞舟是漏。將軍松

恩及功臣
二層

嚴華夷之
辨三層

筆花怒放
讀之令人
頓起鄉思
動故國之
情四層

柏不剪親戚安居高堂未傾愛妾尚在悠悠爾心亦何可言今功
 臣名將。應行有序。廿八佩紫懷黃。讚帷幄之謀。廿九乘輅建節。奉臨場之任。三十
 並刑馬作誓。傳之子孫。將軍獨覲顏。惜命馳驅。甕裘之長寧。不哀。卅一
 哉。夫以慕容超之強身。送東市。姚泓之盛面。縛西都。故知霜露所。卅二
 均。不育異類。姬漢舊邦。無取雜種。北虜僭盜中原。多歷年所。惡積。卅三
 禍盈。理至。焦爛。況僞孽昏狡。自相夷戮。部落攜離。酋豪猜貳。方當。卅四
 繫頸蠻邸。懸首橐街。而將軍魚游於沸鼎之中。燕巢於飛幕之上。卅五
 不亦惑乎。暮春三月。江南草長。雜花生樹。羣鶯亂飛。見故國之旗。卅六
 鼓感生平。於疇昔。撫弦登陣。豈不愴恨。所以廉公之思趙。將吳子。卅七
 之泣。西河人之情也。將軍獨無情哉。想早勵良規。自求多福。當命。卅八

皇帝盛明。天下安樂。白環西獻。楛矢東來。夜郎滇池。解辯請職。朝

鮮昌海蹶。角受化。惟北狄野心。崛強沙塞之間。欲延歲月之命耳。

中軍臨川殿下。明德茂親。總茲戎重。方弔民洛。汭伐罪秦。中若遂

不改。方思僕言。聊布往懷。君其詳之。邱遲頓首。

音註

①【勇冠三軍】〔李陵與蘇武書〕陵先將軍功略蓋天地，義勇冠三軍 ②【才爲

世出】〔蘇武答李陵書〕每念足下才爲世生，器爲時出， ③【燕雀二句】〔漢書陳勝

傳〕勝少時，嘗與人傭耕，輟耕之壘上，愴然甚久曰，苟富貴，無相忘，傭者笑曰，若爲傭

耕，何富貴也，勝太息曰，嗟乎，燕雀安知鴻鵠之志哉， ④【因機二句】〔梁書陳伯之

傳〕義師起，東昏假伯之節，督前驅諸軍事，郢城平，高祖得伯之轡主蘇隆之，使說伯

之，即以爲江州刺史，伯之雖受命，猶懷兩端，高祖曰，及其猶豫，宜逼之，衆軍遂次尋

陽，伯之退保南湖，然後歸附， ⑤【朱輪華轂】〔史記〕蒯通說武信君曰，今范陽令乘

朱輪華轂， ⑥【擁旄萬里】〔班固涿邪山祝文〕杖節擁旄，征人伐鼓，〔荀悅漢記〕今

之州牧，號爲萬里，④【奔亡之虜】〔陳伯之傳〕高祖遣王茂討伯之，伯之趣豫章，太守鄭伯倫堅守，伯之攻之不能下，王茂前軍既至，伯之表裏受敵，乃敗走間道，亡命出江北，與子虎牙及褚縉俱入魏，⑤【鳴鏑】鏑，箭鏑也，如今鳴箭，〔史記匈奴傳〕冒頓作爲鳴鏑，習勒其騎射，⑥【穹廬】旃帳也，〔烏孫公主歌〕穹廬爲室兮氈爲牆，⑦【內審諸己】〔呂氏春秋〕君子必審諸己然後任，⑧【流言】〔書金縢〕管叔及其羣弟乃流言於國，⑨【沈迷】〔劉楨雜詩〕沈迷傾簿書，回回自昏亂，⑩【猖獗】〔蜀志〕先主謂諸葛亮曰，孤遂用猖獗，至於今日，志猶未已，⑪【赦罪責功】〔鄒潤甫爲葛穆答晉王令〕高世之君，赦罪責功，畧小見大，⑫【棄瑕錄用】〔吳志〕陸瑁與暨豔書曰，此乃漢高棄瑕錄用之時也，⑬【推赤心】〔後漢光武紀〕降者猶不自安，光武知其意，敕令各歸營勒兵，乃自乘輕騎案行部陣，降者更相語曰，蕭王推赤心，置人腹中，安得不投死乎，⑭【安反側】〔光武紀〕光武破邯鄲，誅王郎，收文書，得吏人與郎交關謗毀者數千章，光武不省，會諸將軍燒之，曰，令反側子自安，⑮【朱鮪】〔後漢書岑彭傳〕光武圍洛陽，數月，朱鮪等堅守不肯下，帝以彭嘗爲鮪校尉，令往說之，鮪曰，大司徒被害時，鮪與其謀，誠自知罪深，彭還，具言於帝，帝曰，夫建大事者不忍小怨，鮪今者降，官

爵可保，况誅罰乎，河水在此，吾不食言，大司徒，光武兄伯升也，㊸【喋血】喋，的帖切，〔漢書注〕殺血滂沱爲喋血，㊹【友于】〔書君陳〕孝乎惟孝，友于兄弟，㊺【張繡】〔魏志〕建安二年春正月，公到宛，張繡降，旣而悔之，復反，公與戰，軍敗，爲流矢所中，長子昂，弟子安民，遇害，四年冬十一月，張繡率衆降，封列侯，㊻【刺刃】刺，讀如恣，插刀也，〔史記張耳陳餘傳〕慈父孝子，莫敢刺刃公之腹中者，畏秦法耳，㊼【迷途知反】〔楚辭〕迴朕車而復路，及迷途之未遠，㊽【不遠而復】〔易復卦〕不遠復，无祇悔，元吉，㊾【屈法申恩】〔後漢書〕明帝詔曰，先帝不忍親親之恩，枉屈大法，㊿【吞舟是漏】〔史記酷吏傳〕漢興，網漏於吞舟之魚，㊽【松柏不彫】謂祖墓如故，〔仲長統昌言〕古之葬，松柏梧桐以識其墳，㊾【佩紫懷黃】〔史記蔡澤傳〕躍馬疾驅，懷黃金之印，結紫綬於腰，揖讓人主之前，㊿【帷幄之謀】〔新序〕晉有狐偃之善謀，以成霸功，故謀得於帷幄，則功成於天下，㊽【乘輅】輅，小車也，〔史記季布傳〕朱家乘輅車之洛陽，㊾【建節】〔後漢書寇恂傳〕今天下初定，國信未宣，使君建節銜命，以臨四方，㊿【刑馬作誓】殺馬取血以盟也，〔漢書〕漢王即皇帝之位，論功而封之，申以丹書之信，重以白馬之盟，㊽【靦顏】靦，音腆，面目之貌，〔詩小雅〕有靦面目，㊿

【氐裘之長】〔司馬遷報任安書〕氐裘之君長咸震懼、（按）此指魏主也、^①【慕容超】慕容德兄子也、〔宋書武帝紀〕燕主慕容德死、超襲位、大掠淮北、宋公抗表北討、屠廣固、超踰城走喬骨、獲之、送超京師、斬於市、^②【姚泓】字元子、與之長子、〔晉書載記〕泓以內外離叛、王師漸逼、鎮惡夾渭進兵、泓計無所出、詣壘門而降、送泓於建康市、斬之、^③【面縛】〔左傳僖六年〕許男面縛銜璧、^④【霜露所均】〔禮中庸〕天之所覆、地之所載、日月所照、霜露所墜、^⑤【姬漢】姬、周姓也、〔宋書禮志〕爰泊姬漢、風流尙存、^⑥【北虜】北魏也、^⑦【僞孽】指宣武也、〔魏書帝紀〕世宗宣武皇帝、諱恪、景明三年、蕭衍廢其主寶融而僭立、自稱曰梁、是梁武之初、正當宣武在位之日、^⑧【繫頸二句】〔史記高祖紀〕沛公至霸上、秦王子嬰素車白馬、係頸以組、囊街、街名、在漢長安城內、漢時諸夷來朝、爲設邸於囊街以居之、〔漢書陳湯傳〕郵支單于、慘毒行於民、大惡通於天、宜懸頭囊街蠻夷邸間、^⑨【魚游沸鼎】〔袁崧後漢書〕朱穆上疏曰、養魚沸鼎之中、棲鳥烈火之上、用之不時、必也焦爛、^⑩【燕巢飛幕】〔左傳襄二十九年〕夫子之在此也、猶燕之巢於幕上、^⑪【撫弦登陴】〔袁崧漢獻帝春秋〕咸洪報袁紹書曰、每登城勒兵、望主人之旗鼓、感故交之綢繆、撫弦擣矢、不覺涕流之覆面

也。陣，城上女牆。〔左傳成十五年〕閉門登陣。㊟〔愴恨〕悲也。㊟〔廉思趙將〕

〔史記廉頗傳〕廉頗爲趙將，伐齊，大破之，拜爲上卿，趙孝成王卒，悼襄王立，使樂乘

代頗，頗怒，攻樂乘，樂乘走，頗遂奔魏，趙以數困於秦，思復得頗，頗亦思復用於趙。

㊟〔吳泣西河〕〔呂氏春秋〕吳起治西河，王錯譖之魏武侯，武侯使人召吳起，至岸

門，止車而立，望西河泣數下，其僕曰，竊觀公之志，觀天下若捨履，今去西河而泣，何

也，吳起曰，子弗識也，君誠知我，而使我畢能，秦必不可亡西河，今君聽讒人之議不

知我，西河之爲秦不久矣，起入荆，西河果入秦。㊟〔皇帝〕梁武帝也。㊟〔白環〕

〔竹書紀年〕帝舜九年，西王母來朝，獻白環玉玦。㊟〔楛矢〕楛，音戶，木名，材中

矢幹。〔國語〕武王時，肅慎氏貢楛矢石弩。㊟〔夜郎滇池〕〔漢書西南夷傳〕夜郎

滇皆椎結，巒昆明編髮。〔按〕夜郎，今貴州西境，滇滅之，置縣，在今貴州桐梓縣東二

十里，滇音顛，地有滇池，因以爲名，滇池，在今雲南昆明縣。㊟〔朝鮮〕今韓國地。〔漢

書朝鮮傳〕元封三年，定朝鮮，爲真番臨屯樂浪玄菟四郡。㊟〔昌海〕〔漢書西域傳〕蒲

昌海，一名鹽澤，去玉門陽關三百餘里。〔按〕蒲昌海，今名羅布淖爾，在新疆吐魯番縣

西南。㊟〔厥角〕〔季子〕武王之伐殷也，百姓若崩厥角，〔趙岐注〕厥角，叩頭以額角

措詞渾樸
其格調與
平昔綺麗
之作截然
不同蓋文
貴稱題並
非才盡之
謂

犀厥地也。(按)厥厥同。⑤【沙塞】〔後漢書南匈奴傳〕世祖以用事諸華、未遑沙塞之外。⑥【中軍臨川殿下】〔梁書太祖五王傳〕宏太祖第六子、天監元年、封臨川郡王。⑦【明德茂親】〔晉書惠帝紀〕河間王顥、明德茂親、忠規允著。⑧【戎重】〔魏志鍾會傳〕今鎮西奉辭銜命、統攝戎重。⑨【弔民】〔孟子〕誅其君而弔其民。⑩【洛納】水曲流曰納、洛納、洛水入河處也。〔書禹貢〕東至於洛納。(按)舊在河南鞏縣、今在汜水縣西北。⑪【秦中】今之陝西省也。〔漢書〕田肯曰、陛下既得韓信、又治秦中。

與交友論隱書

梁江淹

淹者海濱窟穴弋釣爲伍。自度非奇力異才。不足聞見於諸侯。每承梁伯鸞臥於會稽之墅。高伯達坐於華陰之山。心常慕之。而未能及也。嘗感子路之言。不拜官而仕。無青組紫紱。龜紐虎符之志。但欲史曆巫卜。爲世俗賤事耳。而黥然十載。竟不免衣食之敗。何

所謂五短
大都疏懶
不合時宜
故宜隱不
宜仕

雖多用偶
語而光采
不露

則性有所短。不可^{十二}韋弦者有五。一則體本疲緩。臥不肯起。二則人
 問應修。酷^{十二}懶作書。三則賓客相對。口不能言。四則性甚畏動。事絕
 不行。五則愚^{十二}婞妄發。輒被口語。有五短而無一長。豈可處人間耶。
 知短而不可易者。所謂輪^{十四}椎分定也。猶如雞^{十五}鶩之有毛。不能得鸞^{十六}。
 鳳之光采矣。況今年已三十。白髮雜生。長夜輾轉。亂憂非一。以^{十七}溢
 至之命。如星殞天。保光半路。不^{十九}攀長意。徒自欺取筋^{二十}。驚^{廿一}髓冷。殊多
 災。恙心頑質。堅偏好冥默。既言神農服食之言。久固天竺道士之^{廿三}
 說。守清淨。煉神丹。心甚愛之。行善業。度一世。意甚美之。今但願拾^{廿四}
 薇^{廿四}。藿誦詩。書樂天理性。斂骨折步。不踐過失之地。耳猶以妻孥未^{廿五}
 奪^{廿六}桃李。須陰望在五畝之宅。半頃之田。鳥^{廿七}赴簷上。水而階下。則請

從此隱。長謝故人。若乃登峨嵎^{廿八。}度流沙^{廿九。}餐金石。讀仙經。嘗聞其驗。非今日之所言也。誰謂難知^{三十。}青鳥明之。貴布筆墨。然亦焉足道哉。

音註

○【梁伯鸞】〔後漢書逸民傳〕梁鴻，字伯鸞，扶風平陵人，至吳，依大家臯伯通，居廡下，爲人任舂，伯通察而異之，舍之於家，○【會稽】郡名，秦置，治吳，今江蘇吳縣，○【高伯達】〔逸民傳〕初，鴻友人京兆高恢，少好老子，隱於華陰山中，及鴻東游，思恢，作詩曰，烏嚶嚶兮友之期，念高子兮僕懷思，想念恢兮爰集茲，二人遂不復相見，恢亦高抗，終身不仕，〔按〕高士傳，恢字伯達，○【子路之言】〔論語〕子路曰，有民人焉，有社稷焉，何必讀書，然後爲學，○【青組】組，綬屬，〔漢書百官公卿表〕御史大夫位上卿，銀印青綬，〔應璩報樊彥皇書〕化銀龜以爲黃，變青組以爲紫，○【紫綬】綬，音弗，綬也，〔漢書百官公卿表〕相國丞相，皆金印紫綬，〔蔡邕讓高陽侯印綬符策表〕退省金龜紫綬之飾，非臣容體所當服佩，○【龜紐】〔漢書注〕銀印皆龜紐，其文刻曰某官之章，○【虎符】〔史記信陵君傳〕得虎符，奪晉鄙軍，〔後漢書杜詩傳〕舊制發兵皆以虎符，符策合會，取爲大信，○【史曆巫卜】〔司馬遷報任少卿書〕文史星

曆、近乎卜祝之間、①【影然】影、音粟，猶飄然也，〔木華海賦〕影風磐石、②【韋弦】〔韓非子〕西門豹性急，故佩韋以自緩，董安于性緩，故佩弦以自急、③【癖】很也，〔楚辭〕緜婞直以亡身、④【口語】〔漢書楊惲傳〕遂遭變故，橫被口語、⑤【輪樞】車輪之無輻者，喻不完美，〔梁昭明太子文選序〕樞輪爲大輅之始、⑥【分定】〔孟子〕君子所性，雖大行不加焉，雖窮居不損焉，分定故也、⑦【雞鶩】鶩，鴨也，〔楚辭〕鳳凰在笱兮，雞鶩翔舞、⑧【輾轉】〔詩周南〕輾轉反側、⑨【渣至】渣，奄忽也，〔恨賦〕朝露溘至、⑩【不攀長意】猶言不計久長、⑪【欺取】自取欺辱也、⑫【筋鷲】〔稽康絕交書〕性復疏嬾，筋鷲肉緩、⑬【服食】道家養身之法，服食丹藥也，〔曹植飛龍篇〕教我服食，還精補腦、⑭【天竺】今印度也，佛教所自出，〔後漢書西域傳〕明帝夢見金人，以問羣臣，或曰，西方有神名曰佛，其形長丈六尺，面黃金色，帝於是遣使天竺，問佛道法、⑮【薇蕘】薇，菜也，蕘，豆葉、⑯【妻孥未奪】言妻孥皆能安貧，不奪其隱居之樂、⑰【桃李須陰】陰，通蔭，〔韓詩外傳〕春樹桃李，夏得蔭其下，秋得食其實、⑱【鳥赴二句】〔楚辭〕鳥次兮屋上，水周兮堂下、⑲【峨眉】山名，在今四川峨眉縣西南、⑳【流沙】沙漠也、㉑【青鳥】借稱使者也，〔漢武故事〕七月七日，忽

有青鳥飛集殿前，東方朔曰：此西王母欲來，有頃，王母至，三青鳥夾侍王母旁。

與劉孝綽書

孝綽，本名冉，小字阿士，彭城人，天監初，起家著作佐郎，後為太子僕，掌東宮管記，遷兼廷尉卿，終祕書監。

梁簡文帝

極妍鍊郤
無靡駟氣

使事渾成

深情婉致
嫵媚動人

執別灑澆。嗣音阻闊。合璧不停。旋灰屢徙。玉霜夜下。旅鴈晨飛。想涼燠得宜。時候無爽。既官寺務煩。簿領殷湊。等張釋之條理。同于公之明察。雕龍之才。本傳靈蛇之譽。自高頗得暇逸。於篇章從容。於文諷頌。擁旄西邁。載離寒暑。曉河未落。拂桂權而先征。夕鳥歸林。縣孤颿而未息。足使邊心憤薄。鄉思遄迴。但離闊已久。載勞寤寐。佇聞還驛。以慰相思。

音註

○【灑澆】音竊產，一水名，俱出陝西藍田縣谷中，分流至長安，一水相會，注於渭，〔司馬相如上林賦〕終始灑澆。○【嗣音】謂音信也，〔詩鄭風〕縱我不往，子寧不

嗣音、③【合璧】謂日月也、〔漢書律歷志〕日月如合璧、五星如連珠、④【旋灰】候氣之法、於密室中、用律管、以葭灰抑其內端、案律而候之、氣至者灰自散去、見〔後漢書律志〕、⑤【旅鴈】鴈以九月來、正月返、如旅客然、故云、⑥【無爽】無失時也、⑦【官寺】官府也、〔釋名〕寺、嗣也、官治事者相嗣續於其內也、⑧【簿領】領、錄也、〔劉公幹詩〕沈迷簿領書、⑨【殷湊】猶言紛集、〔魏書禮志〕衆務殷湊、⑩【張釋】〔漢書張釋之傳〕釋之字季、南陽人、爲廷尉、持議平、天下稱之、⑪【于公】〔漢書于定國傳〕定國、字曼倩、東海郟人、爲廷尉、決疑平法、務在哀矜寡、罪疑從輕、加審慎之心、朝廷稱之曰、張釋之爲廷尉、天下無冤民、于定國爲廷尉、民自以不冤、⑫【雕龍】〔史記孟荀列傳〕齊人頌曰、談天衍、雕龍奭、言鄒奭修飾文字、若雕鏤龍文也、〔後漢書崔駰傳贊〕崔爲文宗、世禪雕龍、⑬【靈蛇】蛇同蛇、〔山海經〕南方有靈蛇、吞象三年、然後出其骨、〔曹植與楊德祖書〕人人自謂握靈蛇之珠、家家自謂抱荆山之玉、⑭【文諷】〔廣雅〕諷、教也、⑮【擁旄】猶仗節也、〔任昉宣德皇后令〕擁旄司部、代馬不敢南牧、〔按〕此以下爲自敘、⑯【西邁】〔王粲清河作〕白日已西邁、⑰【曉河未落】晨色之初動也、河、天河也、⑱【桂櫂】櫂、所以進船也、〔楚辭〕桂櫂兮蘭枻、⑲【縣】同

寫景之筆
自然有情
致

敘事曲折
俱到尤妙
在絕不支
蔓
清雅絕倫
風骨翹秀
須韻人辨
之

懸、①【飄】同帆、②【憤薄】鬱結也、〔潘岳寡婦賦〕氣憤薄而乘胸兮、涕交橫而
流枕、③【邈迴】旋轉也、〔楚辭〕下湘江以邈迴、④【離闕】闕、疏也、〔抱朴子〕朋
友之集、其相見、不復敘離闕、問安否、⑤【驛】傳舍也、

與蕭臨川書

（按）蕭子顯、子雲、並為臨川內史、此書當是與子雲者、考中大通三年、簡文始立為太子、而子雲之遷臨川內史、適當是時、若子顯

則先子雲為臨川、簡文為太子時、已歷侍中國子祭酒矣、

梁簡文帝

零雨送秋輕寒迎節江楓曉落林葉初黃登舟已積殊足勞止解
維金闕定在何日八區內侍厭直御史之廬九棘外府且息官曹
之務應分竹南川剖符千里但黑水初旋未申十千之飲梓宮既
啓復乖雙闕之宴文雅縱橫即事分阻清夜西園眇然未剋想征
艦而結歎望橫席而霑襟若使宏農書疏脫還鄴下河南口占儻
歸鄉里必遲青泥之封且覲朱明之詩白雲在天蒼波無極瞻之

歧路眷慨良深愛護波潮敬昂光采

廿八廿九。

音註

○【零雨】徐雨曰零雨，〔詩豳風〕零雨其濛，○【輕寒】〔劉孝綽詩〕輕寒朝夕殊，○【勞止】〔詩大雅〕民亦勞止，○【解維】維，所以繫船也，見〔漢書注〕，○【金闕】天子之宮闕也，○【八區內侍】〔三輔黃圖〕武帝後宮八區，有昭陽飛翔增成合歡蘭林披香鳳凰等殿，（按）〔梁書蕭子恪傳〕子雲於大通元年，除黃門郎，二年，入爲吏部，三年，兼侍中，○【御史】〔漢書百官公卿表〕御史大夫位上卿，有兩丞，一曰中丞，在殿中蘭臺，掌圖籍祕書，外督部刺史，內領侍御史員十五人，受公卿奏事，○【九棘外府】〔周禮〕朝士掌建邦外朝之法，左九棘，孤卿大夫位焉，羣士在其後，右九棘，公侯伯子男位焉，羣吏在其後，（按）〔蕭子恪傳〕子雲於中大通元年，轉太府卿，三年，出爲貞威將軍，臨川內史，在郡以和理稱，○【官曹】〔庾信司馬裔碑〕官曹案牘，未嘗煩壅，○【分竹南川】〔宋書州郡志〕南川縣屬西陽，不知何時省，〔說文〕符，信也，漢制以竹長六寸，分而相合，○【剖符千里】〔東觀漢記〕韋彪上議曰，二千石皆以選出京師，剖符典千里，○【黑水】〔書禹貢〕黑水西河惟雍州，（按）〔梁書

簡文帝紀〕普通四年，徙雍州刺史，中大通元年，徵爲揚州刺史，①〔十千〕〔曹植名都篇〕歸來宴平樂，美酒斗十千，②〔桂宮〕〔漢書成帝紀〕元帝卽位，帝爲太子，初居桂宮，（按）〔簡文帝紀〕中大通三年，昭明太子薨，立爲皇太子，權居東府，四年移還東宮，③〔雙闕〕〔曹植五遊篇〕閭闔啟丹扉，雙闕曜朱光，④〔文雅縱橫〕〔劉楨贈五官中郎將詩〕君侯多壯思，文雅縱橫飛，⑤〔清夜西園〕〔曹植公讌詩〕清夜遊西園，飛蓋相追隨，⑥〔征虺〕〔小爾雅〕船尾謂之虺，〔謝朓詩〕榜人理行櫂，⑦〔橫席〕一作挂席，〔木華海賦〕維長綯，挂帆席，⑧〔霑襟〕〔楚辭〕泣獻歔而沾襟，⑨〔宏農書疏〕〔後漢書楊震傳〕震，宏農人，玄孫修，字德祖，有俊才，爲丞相曹操主簿，修嘗出行，籌操有問外事，乃逆爲答記，勅守舍兒，若有令出，依次通之，⑩〔鄴下〕今河南臨漳縣境，⑪〔河南口占〕占，隱度也，口隱其辭，以授吏也，〔漢書陳遵傳〕起爲河南太守，既至官，當遣從史西召善書吏十人於前，治私書，謝京師故人，遵還几口占書吏，且省官事，書數百封，親疎各有意，河南大驚，⑫〔遲〕待也，⑬〔青泥封〕〔東觀漢記〕鄧訓故吏，知訓好青泥封書，從黎陽步推鹿車載青泥至上谷貽訓，⑭〔朱明詩〕〔爾雅〕夏爲朱明，〔後漢書注〕立夏之日，迎夏於南郊，歌

朱明、^①【蒼波】〔王筠約法師碑〕軒轅蒼波、窗承翠嶺、^②【曷】勉也、^③【光采】〔曹植詩〕願盼遺光彩、

與宋元思書

元思，字玉山，里居未詳、

梁 吳 均

風煙俱淨。天山共色。從流飄蕩。任意東西。自富陽至桐廬一百許里。奇山異水。天下獨絕。水皆縹碧。千丈見底。游魚細石。直視無礙。急湍甚箭。猛浪若奔。夾岸高山。皆生寒樹。負勢競上。互相軒邈。爭高直指。千百成峯。泉水激石。泠泠作響。好鳥相鳴。嚶嚶成韻。蟬則千轉不窮。猿則百叫無絕。鸞飛戾天者。望峯息心。經綸世務者。窺谷忘反。橫柯上蔽。在晝猶昏。疏條交映。有時見日。

音註

①【富湯】今浙江富陽縣，在錢塘江之上流、^②【桐廬】今浙江桐廬縣，縣東二里有桐君山，故名、^③【縹碧】縹，音漂，蒼青也、〔左思吳都賦〕紫貝流黃，縹碧素

許捷云掃除浮豔澹然無塵如讀靖節桃花源記與公天台山賦此費長房縮地法促長篇為短篇也
山景皆從水路寫出夏然而止局段自高

玉、④【游魚】〔張協七命〕游魚攪漚於綠波、⑤【急湍】〔漢書注〕急流曰湍、〔擊虞觀魚賦〕魚未驚而失行，忽浪達於急湍、⑥【猛浪】〔吳志孫權傳注〕戲於猛浪之中、⑦【寒樹】〔謝朓詩〕稠陰結寒樹、⑧【軒翥】高遠也、⑨【泠泠】水聲、〔陸機招隱詩〕山溜何泠泠、⑩【嚶嚶】〔詩小雅〕鳥鳴嚶嚶、〔傳〕鳥聲之和也、⑪【鳶飛戾天】句見〔詩大雅〕、戾，至也、⑫【望峯息心】〔南史〕豫章王嶷命駕造何點、點從後門遁去、司徒竟陵王子良聞之、曰、豫章王尙望塵不及、吾當望岫息心、⑬【經綸】猶言規畫、〔易屯卦〕君子以經綸、⑭【窺谷忘反】〔晉書〕嵇康嘗採藥、遊於山澤間、會其得意、忽然忘反、

